

La carta a los Hebreos

Ī Macuna suoriti ĩ oca cōayijũ Dios, yire gaye

¹ Jane mejeju mani jacusabatiare ĩ oca goti ĩsiri masana suoriti coji meje oca cōayijũ Dios. Jeyaro ĩ āmoro bajiro ĩ oca goti ĩsiri masana suoriti ĩ oca cōayijũ Dios masare.

² Ito bero canũ busati ĩ Macuna suoriti ĩ oca manire cōayijũ Dios. Ũmacũjũga tuti, jacajũga tuti cuni meniyijũ Dios. Ito yicōri ĩ Macuna suoriti jeyaro adi sita gaye rujeoyijũ Dios. Jeyaro dise ruyabeto ĩ rucotoni cũyijũ Dios ĩ Macure.

³ Ũmacañi ĩ busuja ticōri, “Ito bajigũ ñaguĩji ũmacañi”, yirãji mani. Iti bajiroti, Dios Macu ñasagure mani tija, “Ito bajiguti ñaguĩji Dios cuni”, yirãji mani. ĩ Jacu robo bajiguti ñami Jesús. ĩ oca buto masire gaye ña. Ito bajiri ĩ ocana suoriti adi macãrucũro gaye jeyaro ña jedia ĩja. ĩti mani ñeñaro yirise waja, waja yi ĩsiyijũ. Ito bajiro ĩ yija bero, ũmacũju mũja wacōri Dios ya riojocaduja rucubũoraju rujijijũ ĩ.

Ángel mesa rētoro ñasagu ñami Dios Macu, yire gaye

⁴ Dios rãca rotigũ ñari, ángel mesa rētoro ñasagu ñami Dios Macu. Ángel mesa rēto busaro ĩ ñatoni ĩ Macure cũyijũ Dios. Ito yicōri ĩna wame rēto busaro wame ñasarise ĩ Macure wōyijũ Dios. ⁵ Ito bajiri ĩ Macure riti ado bajiro gotiyijũ Dios:

Yũ Macu ña mũ. Adi rũmũ masa ĩna tuoro riojo, “Āni yũ Macu mũa Ũju ñami”, yigũ yigũja yũ, yiyijũ Dios ĩ Macure.

Ángel mesareama, “Ito bajiro bajirã yirãji mũa”, yibisijũ Dios. ĩ Macure riti tuoĩagũ mũcana ado bajiro gotiyijũ Dios:

Ī Jacu ñagũ yigũja yu. Ito yicõri yu Macu ñagũ yiguĩji ĩ, yi gotiyijũ Dios, ĩ Macure tuoĩagũ. Ángel mesareama ito bajiro yibisijũ Dios.

⁶ Ī Macu ñasagure ĩ cõara rumu ado bajiro busiyijũ Dios m̄cana:

Ángel mesa ñarocõti mure r̄cubuo jedicoajaro, yi gotiyijũ Dios.

⁷ Ángel mesare tuoĩagũ ado bajiro busiyijũ Dios:

Ángel mesare yu rotija, ejori mino iti wẽaro bajiro ejori yure cudirã yirãji. Jea queno ãjurise bajiro s̄o quenaro yure moa ĩsirã yirãji ĩna, yi gotiyijũ Dios, ángel mesare tuoĩagũ.

⁸ Ī Macure busigu ado bajiro yiyijũ Dios:

Dios ña mu. Masare rotitĩñagũ yigũja mu. Īnare mu rotija queno yigu ñari riojo rotigu yigũja mu.

⁹ Queno yire gayere riti queno wanua mu. Ñeñarisereama tuo te ña mu. Ito bajigu mu ñajare Uju ñasagu mure c̄ua yu. Mu baba mesa r̄etoro r̄cubuoꝝu mu ñaroca ya yu. Ito yicõri buto mu wanuroca ya yu, yi gotiyijũ Dios ĩ Macure.

¹⁰ Gaje ado bajiro busiyijũ Dios ĩ Macure:

Yure bajiroti Uju ñasagu ña mu c̄uni. Cajerojuti adi sita ñarocõti rujeocu mu. Ito yicõri ũmacũju ḡana jeyarore rujeocu.

¹¹ Iti mu rujeore ñarocõti jedicoaro yiroja. Yutabuju iti buc̄aro bajiro, bajiro yiroja iti ñarocõti. Ito bajibojarocati muáma ñatĩñacõgũ yigũja.

¹² Yutabuju ruacũcõri gaje ĩna wasoaro bajiro iti jeyarore wasoagu yigũja mu. Muáma ñaro bajiguti ñagũ yigũja. Mureama godare gaye mano yiroja. Ito bajiri ñatĩñacõgũ yigũja mu, yi gotiyijũ Dios ĩ Macure.

¹³ Ī Macure riti ado bajiro gotiyijũ Dios:

Ado yu ya riojocaduja rucuburoju rujiya. Mu wajanare mu roti masiroca yigu yiguja yu, yi gotiyiju Dios i Macure. Ángel mesareama ito bajiro yibisiju Dios. ¹⁴ I Macu bajiro roti masirã meje ñama ñna. Usire bajiro ruyumena ñama ángel mesa. Diore moa isiri masa ñama ñna. I masoana mani ñajare jaje quenarise manire yigu yiguji Dios. Ito bajiri manire ñna ejabatoni ángel mesare cõayiju Dios.

2

Ñasarise ña masare Dios i maso amorise, yire gaye

¹ Ito bajiri ángel mesa rëtoro ñasagu Dios Macu i ñaja, i gotirise buto busa mani tuorunuja quena. Ire mani queno tuobeja, acabojarã yirãji mani. Ito yicõri Dios i rotiro bajiro cudibiticõri ire jidicãrã yirãji mani. ² Jane mejeju Dios i rotirise Moisés ñayorure gotiyijarã ángel mesa. Mani ñicusabatia ñna cudiroti ñayiju Dios rotirise. I ocare cudibiticõri ñeñaro yirãreama ñna tõbujaroca yiyiju Dios, i goticãdo bajiroti. ³ Manire ti maicõri buto manire maso amoguji Dios. Ito bajiri i oca ñasarisere mani tuorunubeja, mani tõbujaroca yigu yiguji Dios. “Ire tuorunurãre masogu yiguji Dios”, yire oca cajerojuti goticãni mani Uju Jesucristo. Ire tuogoana, “Riti baja ito oca”, yirona manire goticã ñna. Ito bajiri, “Riti baja ito oca”, yi tuoia mani cuni. ⁴ “Riti baja ito oca”, mani yitoni, jaje tiyamani ioyiju Dios manire. Espiritu Santona suoriti jaje quenarise mani yi masiroca yami Dios. I amorõ bajiro ricati riti ire mani moa isi masiroca yami Dios.

Dios rãa mani ñajare, “yu ocabajirã”, yami Jesús manire, yire gaye

⁵ Ijariju bajiroti gaye muare busigu ya yu. Ijariju gayere ángel mesare rotibisiju Dios. Ado bajirojua yiyiju Dios.

Ijarijũ masa ñna rotirocã cũñi Dios. ⁶ Tite mũa. Dios oca tutijũ ado bajiro ucañi sīgũ:

¿Dios, no yija gũa ñasamena ñabojarocati, gũare ãcabojabebati mũ? Ito yicõri, ¿no yija ñasamena gũa ñabojarocati, gũare tirũnuati mũ? Ñasamena gũa ñabojarocati gũare bũto tũoĩa mũ.

⁷ Adi sita gũa ñaroca ángel mesa bero gãñajuare cũyija mũ maji. Ito bajibojarocati ija rũcũbuore gaye Ƴjarãre bajiro gũare cũgũ yigũja mũ.

⁸ Jeyaro mũ rujeore gaye, jeyaro mũ rujeoanare cũni gũa roti masiroca yigũ yigũja mũ, yi ucañi sīgũ Diore goti ñsiri masũ.

Ito bajiri, “Yũ rujeore masa ñna rotiroca yigũ yigũja yũ”, Dios ñ yija tũocõri, “Dise ruyabeto gũa rotiroca yigũ yigũji Dios”, yi tũoĩa masia mani. Ito bajibojarocati jeyaro goroama manire cãdi jedibeã maji. ⁹ Jesure masia mani. “Ito bajiro bajĩñi Jesús”, yi tũoĩa mani. Adi sita Jesús ñ ñaroca maji ángel mesa berojũã ñre cũñi Dios. Manire ti maicõri ñ Macũre goda ñsi rotiyijũ Dios. Manire yiari tũbũjacõri ñ goda ñsire ñajare, Ƴjũ ñasagu ñre cũñi Dios. Ito yicõri masa jeyaro ñre rũcũbuotoni ñ Macũre cũñi Dios.

¹⁰ Ito bajiro Dios ñ yija queno yĩñi. ñ ãmoro bajiroti yĩñi ñ. Jeyaro Dios ñ menire ñã. Jeyaro ñ wanũtoni ñã iti ñ rujeore. Mani Dios ñarã ñ rãca mani roti ñare ãmoñi Dios. Ito bajiri ñ tũ mani eja masitoni ñ Macũ Jesucristore goda ñsi rotiyijũ Dios. Jesucristo ñami manire masori masũ. Ñimũ gãji manire maso masigũ maquĩji. Ito bajiri ñna sũoriti ñmacũjũ ejarã yirãji mani. ¹¹ Dios Macũ ñami mani ñeñaro yirise waja, waja yi ñsiri masũ. Dios ñarã mani ñaroca yigũ ñami Jesús. Ito bajiri Jesús rãca sīgũ rĩa ñã mani. Dios rĩa mani ñajare, “yũ ocabajirã”, yi bojobeami Jesucristo. ¹² Ito bajiro yĩñi Jesús Dios oca tutina. Ado bajiro bajia iti. Tũoĩate mũa:

Mu ñarise gayere yu ocabajirãre gotigu yiguja yu. Ìna minijuaroca mure wanugũ, mure basa sãa ñucagũ yiguja yu, yiñi Jesús, Dios oca tutina

¹³ Gaje ado bajiro yiñi Jesús:

Yu cuni Diore riti bato tuorũnucuja yu, yiñi Jesús, Dios oca tutina.

Gaje ado bajiro yiñi Jesús:

Ì rĩare yure ìsiquĩ Dios. Ito bajiri ado ìna rãca ña yu, yiñi Jesús, Dios oca tutina.

¹⁴ Dios ñarã ñari, sīgũ ruyabeto ruju cutirã ña mani. Mani rãca ña ãmogũ, manire bajiroti ruju cutiñi Jesús cuni. Ito bajigu ñari manire goda ìsiñi ì. Ito bajiri rãmúa uju manire ruyurioborure ruyuriogu yiguĩji Jesús.

¹⁵ Ito bajiro Jesús ì yijare, mani godaroti güire ma manire. Ito bajiri ìre mani tuorũnũja, “Yu ñeñaro yirise waja yu tũbujaroca yigu yiguĩji Dios”, yi tuoĩa güirã meje ña mani ìja. ¹⁶ Riti baja. Adì sita Jesús ì wadija, ángel mesare ejabuarocu meje wadiñi ì. Mani Abraham ñayoru bajiro Diore tuorũnrãre ejabuagu wadiñi ì. ¹⁷ Ito bajiri mani ì ocabajirãre ejabuarocu Dios ì rotiro bajiroti yiñi Jesús.

Manire bajiro ruju rujeacõri, manire goda ìsiñi Jesús. Ito bajiri manire ti maicõri manire yiari Diore busi ìsisotiguĩji ì. Masare yiari paia mesa ìna busirise rãtoro manire yiari busi ejabuasotigu yiguĩji Jesús. Mani ñeñaro yirisere Dios ì ãcabojatoni, manire yiari busi ìsisotiguĩji Jesús.

¹⁸ Mani robo ruju cuticõri tũbujañi Jesús. Ìre cuni, ñeñaro ì yitoni ìre rotĩabojañi rãmúa uju Satanás. Ito bajiro ì yibojarocati ñeñaro yibisiju Jesús. Ito bajiri mani tũbujaja manire ejabuaguĩji Jesús. Ito yicõri mani ñeñaro yitoni rãmú manire ì roti ãmoja manire ejabuaguĩji Jesús.

3

Moisés ñayoru rãtoro ñasagu ñami Jesús, yire gaye

¹ Yũ ñarã, Jesucristore tuorũnurã ñari Dios ñarã ña mani ñja. Ñarã mani ñatoni manire beseñi Dios. Ito bajiri Jesucristore riti mani tuorũnuja quena. Dios oca goti ucuroña ñ cõarã rëtoro ñasagu ñami Jesucristo. Ito yicõri paia ujarã masare yiari Diore ñna busi ñsire rëtoro manire busi ñsigũ ñami Jesucristo. Ito bajiri Jesucristore riti tuorũnurũja manire. ² Dios ñ beseru ñari ñ rotiado bajiroti yi ñañi Jesús. Dios ñarãre queno ejabuañi ñ. Moisés ñayoru cuni Dios ñ rotiado bajiroti yiyiju. Dios ñarãre queno ejabuayiju ñ. ³ Ito bajibojarocati Moisés ñayorure rëto busaro Jesure mani rucubuoja quena. Ado bajiro baja. Sigũ ñ wi menija, ñ menira wi rëtoro ñre rucubuaorã yirãji mani. Ito bajiri Moisés ñayorure rëto busaro Jesús manire rujeorure rucubuoja quena. ⁴ Wigoti iti ñaja, sigũ iti wire meniru ñaguñi. Dios sigũti ñaguñi jeyarore rujeori masu. ⁵ Diore queno cudigu ñayiju Moisés ñayoru. Diore moa ñsigũ, Dios ñarãre queno ejabuayiju Moisés ñayoru. Moisés ñayorure tuocõri, “Ito bajiro yigu yiguñi Dios”, yi tuoñayijarã masa. Diore moa ñsiri masu ñayiju Moisés ñayoru. ⁶ Cristoama Diore moa ñsiri masure bajiro meje bajini ñ. Ñ ñami Dios Macu, queno ñre cudigu. Ito bajicõri Dios ñarã Uju ñami Jesucristo. “Tudi ejagu yiguñi Cristo”, yi mani tuoña wanuja, ñre tuorũnucõri mani ñre jidicãbeja, Dios ñarã, ñarã yirãji mani ñja.

Yure mua tuorũnubeja quenari cutoju ware ma muare, Israel sita gãnare Dios ñ yire gaye

⁷ Ito bajiri Jesucristore jidicãbitirũja manire. Ito yicõri Espiritu Santo ñ gotirere tuorũnurũja manire. Ado bajiro gotiami ñ, Dios oca tutina:

Adocãta muare Dios ñ busija, ñ yiro bajiroti cudija quena.

⁸ Mua ñicusabatia ñna ya usiju Diore junisinicõri, ñna cudibitiado bajiro bajibeja. Yucu manojũ ñarã,

“Mani ñeñaro yija, ¿no bajiro yigũ yiguĩjida Dios manire?” yi tũoĩa ñayijarã ñna.

⁹ Mũa ñicusabatiare jũarã masacõ rodori jaje quenarise yicũ yũ. Ito yũ yibojarocati, “Mani ñeñaro yija, ¿no bajiro yigũ yiguĩjida Dios manire?” yi tũoĩañi ñna.

¹⁰ Ito bajiri ñnare junisinicũ yũ. Ado bajiro yicũ yũ ñnare. “Mũa ya usijũ yũre bajiro tũoĩabitisotia mũa. Ito yicõri yũ rotiro bajiro cudi ãmobeã mũa”, yicũ yũ ñnare.

¹¹ Ito bajiri ñnare junisinigũ ado bajiro yicũ yũ: “Quenari cutojũ yũ mũare ñsi ãmobjacatojũ juaji ejare ma mũare. Yũ rãca tujacãre mano yiroja mũare”, yĩari goticũ yũ ñnare, yũre ñna tũobejare, yi gotiami Espĩritu Santo, Dios oca tutina.

¹² Queno tũoĩaña yũ ñarã mũa. Ñna bajiro ñeñaro mũa yibe yirona, queno tũoĩaña. Mũa ya usijũ queno tũoĩaña mũa. Mũa ya usijũ ñeñaro tũoĩaja, Dios ñatĩñagũre jidicãrã yirãji mũa. Ito yicõri ñre tũorũnũmenaji mũa.

¹³ Ado bajirojũã mani yija quena. Dios oca mani gãmeri gotija, corocõ oca sũorãji mani ñja. Co rũmũ rũyabeto ito bajiro riti yitĩñarũja manire. Dios gayere mani busija, mani ñeñaro yitoni rũmũ ñ rotibojaja, ñre tũorũnũmenaji mani. Ito yicõri, “Yũ ãmoro yicũja yũ. Diore cudibicũja yũ”, yimenaji mani. Dios oca mani gãmeri busija, oca sũocõri corocõ wanũrã yirãji mani. ¹⁴ Cajerojũ Jesucristo mani tũorũnũcato bajiroti, mani godaroto riojũã ñre tũorũnũtĩñarũja manire. Ito bajiro mani yija ãmacũjũ Cristo rãca wanũ quenarã yirãji mani.

¹⁵ Tite mũa. Ado bajiro gotia Dios oca:

Adocãta mũare Dios ñ busija, ñ yiro bajiroti cudija quena. Mũa ñicusabatia ñna ya usijũ Diore junisinicõri, ñna cudibitiado bajiro bajibeja, yi gotia Dios oca.

¹⁶ Mũa tija, ¿noa ñayijari Dios oca tuoana ñabojarãti ñna ãmoro bajiro yi ãmorã Diore cãdibitiana? Ñna ñayijarã Egipto sitaju ñarãre Moisés i tũa wana. ¹⁷ Diore cãdi ãmobicõri ñeñarise riti yijarã ñna. Ito bajiro ñna yijare jũarã masacõ rodori ñnare junisiniyiju Dios. Ito bajiri yucu manojũ ñna ñna ucuroca yijiju Dios. Itojũ ñna ucurã riti goda jedicoayijarã ñna. ¹⁸ Ñre ñna cãdibejare, ado bajiro yijiju Dios. “Quenari cutoju mũare yũ ñsi ãmobjacatoju juaji ejare ma mũare. Yũ rãca tujacãre mano yiroja mũare”, yijiju Dios mani ñicũsabatiare. ¹⁹ Itire tuoõri, “Diore ñna tuorũnũbitire waja, quenari cuto ñnare i cũ ãmobjara cuto ejabisĩ ñna”, yi tuoĩa mani.

4

¹ “Mũa tujacãroto mũare meni ñsicũ yũ”, mani ñicũsabatiare Dios i yiado bajiroti yami Dios adi rãmũri cũni. Adi rãmũri manire cũni tujacãre ñaroja. Ito bajiri itojũ mani ejaroto riojua queno tuoĩarũja manire, mani eja jeditoni. Mũa coriarã ñre queno tuorũnũbiticõri queno ejamenaji. ² “Ñre tuorũnũrãre riti masogũ yiguĩji Dios”, yire oca tuogoana ñna mani. Mani tujaroto mani eja ãmoja, ñre queno tuorũnũrãji mani. Itire tuogoana ñayijarã mani ñicũsabatia cũni. Itire tuogoana ñabojarãti queno tuorũnũbisijarã ñna. Ito bajiri Dios i tuja rotiadoju ejabisijarã ñna. ³ Ñre tuorũnũrã riti, Dios i tujacã rotiadoju ejarã yirãji mani. Ado bajiro gotiñi Dios mani ñicũsabatiare tuoĩa yugũ:

Yũre ñna tuorũnũbejare ñnare junisinicũ yũ. “Ñnare yũ tujacãrotirajau ejamena yirãji ñna”, yi goticã yũ, yĩñi Dios, mani ñicũsabatiare tuoĩa yugũ.

Adi macãrucũro meni wacũ, coju tujacãrajũ meniñi Dios. Ito i yija bero mũcana tũdi gaje rujeobisiju Dios ñja. Tujacãrajũ i menicãre ñabojarocati, ñnare sãja rotibisiju

ĩ, ĩre ĩna tuorũnubejare. ⁴ Dios oca ado bajiro gotia, jua ãmojeno ñari rumu gaye:

Co ãmojeno ñari rumuri moacõri, jua ãmojeno ñari rumuna tujacãyiju Dios, yi gotia Dios oca.

⁵ Mucana gaje ado bajiro gotia Dios oca:

Yu rãca tujacãdoju tujacãmenaji ĩna, yiĩni Dios, mani ñicusabatiare tuoĩagũ.

⁶ “Ĩre tuorũnurãre riti masogũ yiguĩji Dios”, yire oca tuosuhogoana ñabojarãti ĩre tuorũnubiticõri tujacãdoju ejabisijarã mani ñicusabatia. Diore tuorũnurã riti ejarã yirãji. Tujacãdoju ejarona eja jedibeamã maji. ⁷ Ito bajiri adocãta ĩre tuorũnurãre ãmagũ yiguĩji Dios maji. Adocãta mani ĩre tuorũnũja, iti ña ñasarise. Yoari mani ñicusabatia ĩna cudibitija bero, Diore tuocõri ucañi David ñayoru. Jiju yu muare gotigoriseti, David ñayoru ĩ ucare mucana muare gotia yu:

Adocãta muare Dios ĩ busija, ĩ yiro bajiroti cudija quena.

Mua ñicusabatia ĩna ya usiju Diore junisinicõri, ĩna cudibitiado bajiro bajibeja, yi ucañi David ñayoru.

⁸ Mani ñicusabatia rĩa masa ñayoanare tujacãrajũ tũa wayiju Josué ñayoru. Ito bajiri tujacãre gaye Dios ĩ busija, Josué ñayoru mani ñicusabatia rĩare ĩ tujacãre ãmi ejare gaye meje busiguĩji ĩ. Ito bajiro iti bajijama, “Jane adi rumu yu tujũ tujacãrã ejarã ya mua”, yibitiboru Dios.

⁹ Ito bajiri Diore mani tuorũnũja, ĩ ñarã ñacõri, ĩ tujũ ñaroja mani tujacãrotiju. ¹⁰ No Diore tuorũnurãti adi macãrucũrore meni tĩo wacu ĩ tujacãdo bajiroti ĩ rãca tujacãrã yirãji ĩna cuni. ¹¹ Ito bajiri buto busa oca sãocõri Diore tuorũnurũja manire, tujacãdo mani eja masitoni. Mani ñicusabatiare bajiro Diore cudimena robo bajiro bajimenaji mani.

¹² Sãorise ña Dios oca. Ito yicõri adi rumuri mani tuoroti ña Dios oca. Sarera jãĩ jua dũja odiri jãĩ robo bajiro

bajia Dios oca. Ito bajicōri, “Mani ya usijũ quedi sãjaroja Dios oca mani tuorũnũja. Jeyaro mani ya usijũ mani tuoĩarisere masiguĩji Dios. Mani yeyoro mani tuoĩarisere cuni masiguĩji Dios. ‘Ija ito bajiro yicũja yũ’, mani yirise cuni masi jeoguĩji Dios. Dios ocare mani tuorũnũja, ‘Ito bajiro bajia yũ’”, yi tuoĩa mani. ¹³ Disejua Dios ĩ rujeore yeyo masiña ma. Dise ĩ ti masibiti ruyabetoja Diore. Ñe mani yigore ĩ masibiti ma. Ito yicōri ñe mani tuoĩagore ĩ masibiti ma. Ito bajiri jeyaro masiguĩji ĩ. Dios ĩ tiro riojo, “Adocō jaje ñeñarise yicũ yũ”, yi goti rēto bu jedirã yirãji mani.

Paia ẽju rētoro ñasagu ñami Jesús, yire gaye

¹⁴ Paia ẽju rētoro ñasagu ñami Jesús, Dios Macũ. Ũmacũju Dios tu ñaguĩji ĩ, manire yiari ĩre busi ĩsisotigu. Ito bajiri, “Diore tuorũnũgũ ña yũ”, mani yija, buto busa ĩre mani tuorũnũja quena. ĩre jidicãbitirũja manire. ¹⁵ ĩ ñami paia ẽju rētoro manire ejabua masigũ. Mani tōbũjaja, manire ti maiguĩji ĩ. Mani ñeñaro yija, “Yure queno masibeamã. Ito bajiri ñeñaro yama maji”, yi tuoĩacōri, manire ti maiguĩji Jesús. Mani ñeñaro yitoni, rũmũ usirioro ĩ yi codero bajiro, Jesucristore cuni ito bajiro ti yibojayijũ. Ito bajibojarocati ñeñarise yibisijũ Cristo. Ito bajiri manire rũmũ usirioro yija, manire ejabua masiguĩji Cristo. ¹⁶ Ito bajiri Diore mani busija, gũire mano busirãji mani. Manire buto ti maiguĩji Dios. Ito bajiri mani ĩre busija, manire ti maiguĩji ĩ. No mani ejabuare ãmorijũ manire queno ejabuagu yiguĩji Dios.

5

¹ Masare yiari paia ẽju Diore ĩ busi ĩsiado bajiro manire busi ejabuarocu Cristore cũñi Dios. “Riti bajia iti”, mũa yi tuoĩatoni adi mũare gotia yũ. Mani ñicũsabatia ñayoana ĩna rãca gagũ sīgũre besecōri, “Mũ ñagũ yigũja pai guare

busi ĩsiri masu”, yi cūñi ĩna ĩre. ĩ ya moare ado bajiro bajiyju. Masa Diore ĩna ĩsiroti boca āmicōri, itire Diore soe ĩsiyju ĩ, masa ĩna ñeñaro yire waja, waja yi ĩsirocu. ² Pai mani robo bajigu ñari, Dios ĩ rotirise ñarocōti cudi jeo masibiquiji ĩ cuni. Ito bajiri queno tuoĩamenati ñeñaro masa ĩna yija, ĩnare junisinibiquiji ĩ. Quenoti ĩnare goti quenogū yiguji ĩ. ³ Ito bajiri Diore masa ĩna ĩsiroti soe ĩsi wacu, “Masa ĩna ñeñaro yirise ĩnare ācabojaya”, yiguji ĩ Diore. Ito bajiroti yigu yiguji ĩ cuni, ñeñaro ĩ yirise waja.

⁴ No paia uju ña āmobjagu ĩmasiti ña masibiquiji ĩ. Dios sĩgūti ñami, sĩgūre ti besecōri, “Mu ñama paia uju”, ĩre yigu. Ito bajiroti Aarón ñayorure cūñi Dios. ⁵ Ito bajiroti bajiyju Cristore cuni. ĩmasiti, “Paia uju rētoro ñasagu ñacuja yu”, yibisiju ĩ. Dioti ĩre cūyiju, ito bajigu ĩ ñatoni. Ado bajiro ĩre gotiyju Dios:

Yu Macu ña mu. Adi rumu masa ĩna tuoro riojo, “Āni yu Macu muu uju ñami”, yigu yiguja yu, yiyiju Dios ĩ Macu Cristore.

⁶ ĩ oca tutina gaje ado bajiro gotiñi Dios ĩ Macure:

Masare yiari mu busi ĩsitoni mure cūa yu. Paia uju Melquisedec ñayorure bajiro ñasagu mure cūa yu, yiyiju Dios ĩ Macure.

⁷ Adi macārucūro Jesús ĩ ñaroca ĩre ĩna sĩaroti ñami riojua Diore busigu josayiju. Yago rāca oca seoro busiyju ĩ Jacure. “Cuna, goda wacu ya yu. Yu catire mu āmoja, camota masigūja mu. Ito bajibojarocati mu āmoro bajiro bajiatoja”, yiyiju Jesús ĩ Jacure. “Mure cudi āmoa yu”, Jesucristo ĩ yijare tuo yiju Dios. ⁸ Dios Macu ñabojaguti tōbujayiju Cristo. Tōbujaja wacu jeyaro Dios ĩ rotiado bajiroti yiyiju Cristo. ĩ Jacure queno cudigu ñari, manire yiari tōbujaja ĩsiyiju Cristo. ⁹ ĩ Jacu ĩre rotiado bajiroti manire yiari goda ĩsiyiju Cristo. Ñimu gāji manire goda ĩsigū maquji. Ito bajiri ĩre mani tuorūnaja ticōri, manire

masogũ yiguĩji ĩ. Ito yicõri mani catitĩñaroca yigu yiguĩji ĩ. ¹⁰ Paia ɛjɛ ñasagɛ Melquisedec ñayorɛ ĩ ñado bajiro ĩ Macɛ Jesucristore cũyijɛ Dios. Ito bajiri manire maso masiguĩji Cristo.

Jesucristore masirã ñabojarãti ĩre mani jidicãja guijo ña, yire gaye

¹¹ Iti oca gotiroti jaje rɛya maji. Ito bajibojarocati iti ocare tuo masi ãmobeɛ mɛa. Ito bajiri josari ña iti mɛare gua goti rɛto ãmobjaja. ¹² Yoari Cristore mɛa tuorũnɛja bero ĩ oca riasori masa ñaboyija mɛa. Ito bajibojarocati Dios oca josari meje bɛsa gayere mɛcana tɛdi mɛare goti rɛtoburɛja gua. Waibɛcɛ ri ba masi wana ñabojarãti, mɛcana tɛdi ũjurãre bajiro bajirã ña mɛa. Macɛacã ũjugũre bajiro waibɛcɛ ri ĩ ba masibeto bajiro Dios oca josari ñarisere tuo rɛtobu masibeɛ mɛa. ¹³ Őjegõa idirã, macɛacã ũjugũre bajiro bajirã ña mɛa. Dios ocare queno masirã meje ña mɛa. ĩ oca masibiticõri Dios ĩ ãmoro bajiro queno yire gayere masibeɛ mɛa. ¹⁴ Bare jeyaro bɛti quenarise ña bɛcɛrã bare. ĩna ñama queno sɛo quenarã. Ito bajiroti bajiana Dios oca queno tuo masirã cɛni. Dios oca queno masicõri, “Iti ña ñeñarise, iti ña quenarise”, yi ti beserã yirãji ĩna.

6

¹ Bɛcɛrãre bajiro Cristore mani queno masi ãmoja, ĩ oca josari ñarisere mani riasotija quena. Josabiti gayere riasoticãcɛ mani. “Ñeñarise jidicãcõri, quenarise tuoiarɛja manire”, yire gaye riasoticãcɛ mani. “Queno yibojarãti Diore mani tuorũnɛbeja jeame ũjurojɛ warã yirãji mani”, yire gaye riasoticãcɛ mani. ² Idé gure gaye cɛni riasoticãcɛ mani. Gãjerã Diore masirãre yiari Diore busirã wana ĩnare ãmo moa jeore gaye riasoticãcɛ mani. “Godabojarãti mɛcana tɛdi catirã yirãji mani”, yire gaye

riasoticăcu mani. “Ñeñaro yirã ñna ñeñaro yirise waja, tōbujatĩñarã yirãji ñna”, yire gayere riasoticăcu mani. ³ Dios ã ejabuarisena, josari gayere riasoti ũmatũarã yirãji mani.

⁴ Dios oca tũogoana ñna mani, ito yicõri Jesucristo ũmacũju wadirũre boca ãmiana ñna mani. Espĩritu Santo ã queo sãna ñna mani ãja. Ito bajiri Dios oca mani riasoti ũmatũabeja ãcabobarã yirãji mani. ã ocare ãcabojacõri tũdi ñeñaro yirãji mani. Ito bajiri mũcana tũdi ãre tũorũnu ãmomenaji mani. ⁵ Dios oca quenarise tũogoana ñna mani. Tiyamani Dios gayere tigoana ñna mani. “Adi sita tũdi ejagu yiguĩji Jesũs”, yi tũoĩarã ñna mani. ⁶ Iti jeyarore masi jedirã ñabobarãti, Jesucristore mani jidicãja, tũdi mani ñeñaro yirisere jidicã masimenaji mani. Dios Macũre tũorũnũbojarãti mani jidicãja mũcana tũdi yucutẽoju ãre jajurãre bajiro ya mani. Ito yicõri masa tiro riojo ãre aja tudirãre bajiro ya mani. ⁷ Ado bajiro bajira sitare tũoĩate mũa. Sita joe ide iti quedija, sitajũare ide sãjaroja. Iti sita ote queno judi, iti rica cutija ticõri, “Quenari sita ñna adi sita”, yirã yirãji ñna iti sita moari masa. “Queno yiñi Dios iti sitare”, yirã yirãji ñna. Ito bajiroti Diore jidicãmenare cuni queno yigu yiguĩji ã ñnare. ⁸ Iti sita jota, ito yicõri ta widirise jeyaro iti judija, ñe waja ma iti wese. Ito bajiri sita iti ũjarã itire soecõrã yirãji ñna. “Adi sitare queno yibisĩ Dios”, yirã yirãji ñna. Ito bajiroti ãre jidicãrãre jeame ũjuroju cõagũ yiguĩji Dios.

“Yũre masogũ yiguĩji Cristo”, mani yi tũoĩaja oca sãoa mani, yire gaye

⁹ Yũ mairã, “Mũa ñna Jesucristore jidicãrã”, yirocu meje mũare itire busia yũ. “Mũa ñna Jesucristo ã masoana”, ya yũ mũare. Mũa ñna Dios ã ãmoro bajiro yirã. Ito bajiri, “Queno yami Dios mũare”, yi tũoĩa yũ. ¹⁰ Riojo yigu ñnami Dios, ito bajiri mũa queno yigorere ãcabojabicũ yiguĩji ã. Gãjerã

Jesure tuorũnurãre ti maicõri, ãnare mua ejabuagorisere ãcabojabicu yiguĩji ĩ. Ñaro bajiroti gãjerãre ejabuãrãji mua maji. Ito bajiro mua yirisere ãcabojabicu yiguĩji Dios. ¹¹ Mua sĭgũ ruyabeto wanu oca seocõri Diore mua cuditiñare ãmoa gua. Mua catirocõ mua ito bajiro yi ñaja, mua bocatirisere ñarocõti boca ãmirã yirãji mua. ¹² Jesure mua tuorũnu jidicãre ãmobeã gua. Ito yicõri Dios oca tutire mua jidicãre ãmobeã gua. Yoari Jesucristo ĩ tãdi ejaroti bocaticõri, ĩre jidicãbisĩ coriarã. Ito bajiri ãnare bajiro mua bajire ãmoã gua. Ñnare bajiro mua yija, Dios ĩ goticãdo bajiro ñarocõti boca ãmirãji mua.

¹³⁻¹⁴ Abraham ñayorure tuoĩate mua. Ado bajiro ĩre goti yucãyiju Dios: “Riti queno mũare yisacõgũ yiguja yu. Jãjarã mu janerãbatia cutiroca yigu yiguja yu. ‘Ito bajiroti yicuja yu’, yirocu yu wamena ya yu”, yiyiju Dios Abraham ñayorure. ĩ wamenati yiyiju Dios. Gãji wamena meje ito bajiro yiyiju Dios Abrahamre. Ñimũjua gãji Diore rãtocũgũ maquĩji. Ito bajiri ĩ wamenati yiyiju Dios. ¹⁵ “ĩ yiro robo bajiro yigu yiguĩji Dios”, yirocu usirioro meje yuyiju Abraham ñayoru. Ito bajiri Dios ĩ goticãdo bajiroti rãtayiju Abrahamre. ¹⁶ “Ado bajiro yicuja yu”, ĩna yija, Dios wamena yama coriarã masa. ĩ wamena yama ĩna, masa rãtoro ñasagu ĩ ñajare. “Riti mũare Dios wamena gotia yu”, ĩna yija, nojua gãjerã, “Bũrãti yama”, yi masimenaji. ¹⁷ Ito bajiroti mani ñicũsabiatiare, “Ito bajiro yicuja yu”, ĩ yire ñajare, yisacõyiju Dios. “Riti manire ĩ goticãdo bajiro ĩsigũ yiguĩji Dios. ĩ goticãdo bajiroti gajero bajiro wasoabicu yiguĩji ĩ”, ĩna yi masitoni, ãnare yisacõyiju Dios. “Mũare socabeã yu. Riojo yu wamena mũare gotia yu”, yiyiju Dios mani ñicũsabiatiare. ¹⁸ “Riti mũare queno yisagu yiguja yu”, yiyiju Dios. Gaje ado bajiro yiyiju Dios: “Ito bajiroti yicuja yu, yirocu yu wamena ya yu”, yiyiju Dios. Juaji Dios ĩ yijare, gajero

bajirojua wasoabicu yiguĩji ĩ. Ito bajiri, “Ado bajiro yicuja yu”, ĩ yicãre ñajare manire masogũ yiguĩji ĩ. Ito yicõri, “Ĩ rãca catitĩñarã yirãji mani”, yi tuoĩa mani. Ĩ goticãre mani tuorũnũja wanu oca sãorã yirãji mani. ¹⁹ Dios ĩ goticãre ñarocõti tuorũnũruja manire. “Muare masogũ yiguja yu”, yĩni Dios manire. “Ĩ rãca catitĩñagũ yiguja yu”, yi mani tuo masija, mani ya usi güibeto yiroja manire. Ito yicõri oca sãorã yirãji mani. Jane mejeju masare yiari Diore senirona Dios ñari wi yobiado wajajua Dios ñari sãa wasotiyijarã paia mesa. ²⁰ Ito bajiro yĩni Jesús cuni. Ũmacũju mũjacõri manire yiari Diore busiĩni ĩ. Ito bajiri, “Manire masogũ yiguĩji Dios”, yi tuoĩa mani. Paia uju Melquisedec ñayoru ĩ ñasado bajiro ñasagu ñatĩñagũ yiguĩji Jesús. Manire yiari Diore busi ĩsitĩñagũ yiguĩji Jesús. Ito bajiro ĩ busi ĩsitĩñatoni cũni Dios ĩre.

7

Paia uju Melquisedec bajiro bajiguti ñami Jesús cuni, yire gaye

¹ ĩ Melquisedec, Salem cuto gagu uju ñayiju. Ito yicõri Dios ũmacũju gagure moa ĩsiri masu ñayiju ĩ pai. Abraham ñayoru gaje cutori gãna ujarãre rãtocũcõri, tũdi wayiju ĩ ya cutojuare. Ito bajiri ĩ tũdi waroca ĩre boca wayiju Melquisedec. ĩre bocacõri ĩre yiari Diore busigu, “Dios queno yijaro mũre”, yiyiju Melquisedec Abrahamre. ² Gãjerã ujarãre rãtocũcõri, ĩ bujare gayere cõĩacõri Dios ĩ rotiado bajiroti Melquisedecre jabeto ĩsiyiju Abraham. “Uju queno yigu”, yireoni ña iti Melquisedec yire. Salem cuto gagu uju ñayiju Melquisedec. Ñe oca mani cuto, yireoni ñayiju Salem yireoni. Ñe oca mana uju ñayiju Melquisedec. ³ Melquisedec jacusabatia wame, ĩ ñarã wame cuni ucare ma Dios oca tutiju. Ito yicõri ĩ rujeare, ĩ godare cuni ucare goabea. “Ĩ godaja bero masare yiari

Diore bʉsi jidicāyijʉ”, yire ma. Melquisedecre mani tʉoʉaja, “Masare yiarɪ Diore ɪ bʉsi ɪsiado bajiro masare yiarɪ Diore bʉsi ɪsitɪñagũ yiguɪji Cristo cʉni”, yi tʉoʉa mani.

⁴ Mani ñicu Abraham ñayoru rētoru ñasagu ñayijʉ Melquisedec. Tʉoʉate mʉa. Gaje cʉto gāna ʉjarāre rētocūcōri, ɪ bʉjarere cōɪacōri jabeto ɪsiyijʉ Abraham Melquisedec. ⁵ Ito bajiroti Abraham janerābatia judio masa jeyaro ɪna rʉcorisere cōɪacōri jabeto ɪsiyijarā paiare. Leví wame cʉtigʉ janerābatia ñayijarā ɪna paia mesa. ɪna ñarā judio masare jeyaro ɪna rʉcorisere cōɪacōri jabeto āmiyijarā ɪna, Moisés ɪ rotiado bajiroti. ɪna ñarā ñabojarocati ito bajiro yiyijarā ɪna, Moisés ɪ rotijare. ⁶ Leví janami meje ñabojaguti, Abraham bʉjarere jabeto seniyijʉ ɪ Melquisedec. Itire boca āmicōri ɪre yiarɪ Diore bʉsiyijʉ Melquisedec. Abraham ñayijʉ, “Queno mʉre yigʉ yiguja yʉ”, Dios ɪ yirʉ. Ñasagu ñayijʉ Abraham ñayoru. ⁷ “Dios mʉre queno yijaro”, yi ecorʉ rētoro ñami, “Dios mʉre queno yijaro”, yirʉ. Melquisedec ɪ, “Queno Dios mʉre yijaro”, yi ecorʉ ñayijʉ Abraham. Ito bajiri, “Abraham rētoro ñasagu ñayijʉ Melquisedec”, yi tʉoʉa mani. ⁸ Mani wato ñarā paia gājerā rʉcorisere cōɪacōri jabeto āmirā, manire bajiroti godarāji ɪna cʉni. Melquisedecreama Dios oca tuti iti gotija, “Itocō godaɲi Melquisedec”, yire oca ma. Ito bajiri godabicʉ robo bajiro bajiguɪji ɪ. ⁹⁻¹⁰ Melquisedecre jabeto ɪsiroca ɪ janerābatia ñarona ɪna rujeabitibojarocati ɪ ya rujʉjʉ ñayijarā ɪna maji Abrahamre. Abraham janami Leví wame cʉtigʉ janerābatia ñayijarā, masa ɪna rʉcorisere cōɪacōri jabeto āmirā. Abraham ya rujʉjʉ ñacōri Melquisedecre Abraham ɪ waja yija, ɪna cʉni waja yirāre bajiro yiyijarā, Abraham ya rujʉ ñacōri. Ito bajiri, “ɪna ñarocō rēto bʉsaro ñasagu ñaɲi Melquisedec”, yi tʉoʉa mani.

¹¹ Leví janerābatiana suoriti ĩ rotirise cūyijũ Dios, judio masare. Leví janerābatiare paia ĩna ñaroca yiñi Dios. Sīgũ Leví janami ñayijũ pai ñasagu, Aarón wame cutigu. Aarón ĩ janerābatia rāca masa ĩna Diore ĩsiroti boca āmiyijarā ĩna. Boca āmicōri Diore soe ĩsiyijarā ĩna, masa ĩna ñeñaro yirise waja yirā. Ito bajiro ĩna yibojarocati, “Seti ma mũare. Queno yirā ña mũa”, yibisijũ Dios ĩnare. Ito bajiri Melquisedec ñasagũre bajiro bajigũre cōayijũ Dios, masare ĩ goda ĩsitoni. Aarón mesa waibucũrũre soe ĩsicōri, masa ĩna ñeñaro yirise waja, waja yi jeocōajama gāji masare busi ĩsirocũ cōabitiborũ Dios. ¹² Masare busi ĩsirocũ Jesure Dios ĩ cōaja bero mucana tũdi paia mesare masare yari busi ĩsi rotibisijũ Dios. Ito yicōri bucũ oca jidicācōri ĩ oca mame wasoa rotiyijũ Dios paia mesare. ¹³ Mani Ʋjũ Jesucristore cūñi Dios, paia Ʋjũ ñasagu ĩ ñatoni. Ito bajiri ĩ ñami manire yari Diore busi ĩsigũ. Leví janerābatia janami meje ñayijũ Cristo. Judá janerābatia janami ñayijũ Cristo. Judá janerābatia Cristo riojũa sīgũ pai mañijũ. ¹⁴ Mani Ʋjũ Jesucristo, Judá janerābatia janami ñayijũ ĩ. Leví janerābatiare paia cū wacũ Judá janerābatiareama ito bajiro yibisijũ Moisés ñayorũ. Itire queno tuo masia mani.

¹⁵ Itire tuocōri, “Bucũ oca jidicācōri oca mame wasocōñi Dios”, yi tuoña mani. Paia Ʋjũ Melquisedec ñasagu ĩ ñado bajiro manire yari busi ĩsigũre cūñi Dios. ¹⁶ Leví janerābatiare riti, “Paia ñarā yirāji ĩna”, yi rotiyijũ Moisés. Ito bajiri Moisés ĩ rotirena meje paia Ʋjũ Cristo ĩ ñaroca yiñi Dios. Tũdi ĩ catija ticōri, ĩ Macũre cūñi Dios manire yari ĩ busi ĩsitoni. Bũto masigũ ñari jũaji godabicũ yigũji Cristo. ¹⁷ Ado bajiro gotiyijũ Dios ĩ Macũre:

Masare mũ busi ĩsitĩñatoni mũre cũa yũ. Paia Ʋjũ Melquisedec ñasagu ĩ ñado bajiro ñatĩñagũ yigũja mũ, yiyijũ Dios ĩ Macũre.

¹⁸ Вүсү оса ити rotiroti bajiro queno cudi jeo masibisijarã mani ñicusatia. Ito bajiri ñnare seti ñayijũ maji. Ito bajija ticõri, “Вүсү оса quenabea. Ñe waja ma iti”, yi tuoña wacu itire jidicãyijũ Dios. ¹⁹ Вүсү оса ñna cudi jeoja ticõri, “Ñnare seti ña maji”, yiyijũ Dios. Ito bajiri wacu oca jidicãcõri, mame oca cüyijũ Dios ñja. Ado bajiro yiyijũ Dios. Ñ Macu Cristore cõayijũ, mani ñeñaro yirisere ñ waja yi ñsitoni. Ito bajiri Cristore mani tuoñũña ticõri, “Ñe seti ma mũare”, yigũ yiguñji Dios ñ tu mani ejari mũmũ. Ito mame oca tuoõri, “Вүсү оса ñasũore rẽtoro quena mame oca”, yi tuoña mani.

²⁰ “Үм Macure cõa yũ, masare yiari ñ busi ñsitĩñatoni. Riti ya yũ”, yi goticãyijũ Dios. ²¹ Cristore Dios ñ curoto riojũ, gãjerã paia ñ cõja, “Ñasagũ ñnare cõa yũ”, yibisijũ Dios. Ñ Macureama paia wũ cũ wacu, “Riti, ñni ñasagure cõa yũ”, yiyijũ Dios. Ñ Macure ado bajiro gotiyijũ Dios ñ oca tutina:

Үм ña Dios mũм Ум. “Ado bajiro yigũ yigũja yũ”, yicõri yũ tuoñarise tuo riawũsobicũja yũ. Masare yiari mũ busi ñsitĩñatoni mũre cõa yũ. Paia wũ Melquisedec ñasagũ ñ ñado bajiro ñatĩñagũ yigũja mũм сũni, yĩñi Dios ñ Macure, yi gotia Dios oca tutijũ.

²² Ito mani tuoja, “Riti manire masogũ yiguñji Jesucristo. Вүсү оса rẽtoro quenarise ña iti mame oca”, yi tuoña mani. ²³ Вүсү оса ити ñaroca jãjarã paia ñayijarã. Ñna godaja gãjerã ñnare wasoarona ñayijarã. ²⁴ Ito bajiro ñna godabojarocati, Jesuama godagũ meje ñami. Ñimũjũ gãji Jesure wasoarocũ maquñji. ²⁵ Catitĩñagũ ñari manire yiari Diore busi ñsitĩñagũ yiguñji ñ. “Mũ Macu yũre goda ñsiñi. Ito bajiri ñna suoriti mũ yagũ ña ñmoa yũ”, Diore mani yija, manire masogũ yiguñji Cristo. Manire ñ masoja bero ñ rãca catitĩñarã yirãji mani.

²⁶ Jesucristo mũyabojañi maji, manire busi ñsirocũ.

Manire yiari Diore ĩ busi ĩsibeja, Dios tu ejaminaji mani. Dios ĩ ñajare, ñeñarise ma ĩre. Ñeñaro yigu meje ñayiju ĩ. Ñe seti macu ñayiju ĩ. Masa ñeñaro yirãre bajiro meje bajigu ñami ĩ. Ũmacũju gãna rãtoro ñasagu ĩ ñaroca yiyiju Dios Jesure. ²⁷ Gãjerã paia ujure bajiro bajigu meje ñaguĩji ĩ. Co rumu ruyabeto waibucurãre siyijarã ĩna, Diore soe ĩsirona. Ito bajiro yicõri, “Gua ñeñaro yirisere acabojoya. Ito yicõri masa ĩna ñeñaro yirisere cuni acabojoya”, yiyijarã ĩna. Coji meje ito bajiro yiyijarã ĩna. Jesuama cojiti godaņi, masa ĩna ñeñaro yirise waja, waja yi ĩsigũ. Mucana tudi waja yibicu yiguĩji ĩ, ĩ ya rina ĩ waja yi tĩocãre ñajare. ²⁸ Moisés ñayoru ĩ rotirena suoriti manire bajirãreti paia ujarã ña rotiyijarã ĩna. Bucu oca jidicãcõri mame oca cũyiju Dios. “Riti ado bajiro yicũja yu”, yirocu mame oca cũyiju Dios. “Yu Macu ñeñaro yibicure cãa yu, masare yiari ĩ busi ĩsitoni”, yiyiju Dios ĩ oca tutina.

8

Mame oca goticõri manire busi ĩsiri masu ñami Jesús, yire gaye

¹ Yu gotisuorise ado bajiro bajia ñasarise. Sigũ ñami manire yiari Diore busi ĩsigũ. ĩ ñami ñasagu. Ũmacũju Dios ya riojocaduja rucubuoraju rujiguĩji ĩ. ² Dios ya wi ñasari wi ñacõri manire yiari busi ĩsigũ yiguĩji ĩ. Masa ĩna menira wi meje ñaroja iti wi. Dios ĩ menira wi ñaroja iti wi.

³ Masa ĩna ñeñaro yirise waja, waja yirona Diore waibucurã soe ĩsiri masa ñama paia ujarã. Ito bajiro ĩna yitoni ĩnare cãrã yirãji masa. Manire yiari ito bajiro yiņi mani Hju Jesucristo cuni. Mani ñeñaro yirise waja, waja yirocu manire goda ĩsiņi ĩ. Ito bajiro yicõri Diore busi wacu ĩ ya ruju ĩsigũre bajiro yiņi ĩ. ⁴ Adi tuti ñarã paia, Moisés ñayoru ĩ rotiado bajiroti soe ĩsiamajaji. Ito bajiri

Cristo adi sita ï ñajama ñnare bajiro yibitiboguïji. Adocãta manire yari ùmacũju Diore busi ïsigũ yiguïji ï. ⁵ Adoju paia ñna moari wi ùmacũju gagu Dios ya wi robo bajiro bajia. Moisés ñayoru Dios ya wi ï menigũ wagu yiroca, ado bajiro rotiyiju Dios ïre: “Gũtagũ joeju yu mure goticato bajiroti tuoïacõri, ito bajiro menima”, yiyiju Dios Moisés ñayoru. Adi sita gãna paia ñna moaja ùmacũju gagu Dios ya wi robo bajiro quesoïarã yirãji ñna. ⁶ Cristo manire busi ïsiri masure moare ñasarise cũni Dios. Paia ñayoana bucãrã rotirere cudigoana ñna yiado rãtoro yigu ñami Cristo. “Masa yu Macure ñna tuorũnuja, ñnare queno yigu yiguja yu. Ñna ñeñaro yirisere açabojocõri, ñnare masogũ yiguja yu”, yami Dios ï oca tutina.

⁷ Bucu oca rãtoro ñasarise ña mame oca. Bucu oca tuo sũyacõri Dios ñaro mani ejajama gaje mame oca cũbitiboru ï. ⁸ Bucu ocare masa ñna cudi jeo masibeja tiyiju Dios. Ito bajiri ado bajiro yiyiju ï:
Israel sita gãna rãca, Judã gãna rãca ija mame oca quenogũ yiguja yu maji.

⁹ Ñna ñicusabatiare yu goticato bajiro meje bajiro yiroja. Egiptoju ñna ñaroca gajeroju ñnare cũ wacu ñnare gotibojacu yu. Yu goticato bajiro cudibiticã ñna. Ito bajiri ñnare tuorũnubiticu yu.

¹⁰ Ija Israel sita gãnare yu oca quenoja, ado bajiro yigu yiguja yu: Yu rotirise ñna tuoïaroca yigu yiguja yu. Ito bajiri ñna ya usiju yu rotirisere cudi ãmorã yirãji ñna. Ito yicõri ñna uju ñagũ yiguja yu. Ito bajiri ñna ñnarã yirãji yu ñnarã.

¹¹ Yu ñnarã ñari ñarocõti yure ti masirã yirãji ñna. Ito bajiri yure masirã riti ñna ñajare ñna baba mesare cuni yure ñna ti masitoni riasomena yirãji ñna. Ñna jeyaro yure ti masirã yirãji ñna. Mutarã cuni, bucãrã cuni yure ti masirã yirãji ñna. Ito bajiri yure ñna ti masitoni riasomena yirãji ñna.

¹² Īnare ti maicōri ĩna ñeñaro yirisere ācabojogu yiguja yu.
Ito yicōri juaji ĩna ñeñaro yirisere tuobicu yiguja
yu ĩja, yami mani Uju Dios ĩ oca tutina.

¹³ Mame oca Dios manire ĩ busija, “Bucu ocare jidicācōgũ
yiguji”, yi tuoia mani. Bucua warise jedi wato ya. Ito
bajiroti manire mame oca ĩ gotija, “Iti rumu gaye bucu oca
jedi waro ya”, yi tuoia masia mani.

9

Diore rucubura ado bajiro yiyijarā bucurā, yire gaye

¹ Cajero Dios Moisés rotirotire cūgũ masa ĩre
rucuburoroti gayere ĩre cūyiju Dios. “Adi sitaju yure
rucuburona mua minijuaroti wi menire āmoa yu”, yi
rotiyiju Dios Moisésre. ² Ito bajiri ĩ rotiado bajiroti wi juā
sōa, sōa cutiri wi meni ĩsiyijarā ĩna. Wi gudareco saya
webutirona yobiara wi ñayiju iti wi. Cajero ejasuraju
Diore rucubura sōa ñayiju iti sōa. Iti sōaju jeobusuora
tutu ñayiju. Ito yicōri casabo ñayiju, naju Diore ĩsiroti
jesari casabo. ³ Yobiado gaje duja ñari sōa, Dios ĩ ñasari
sōa wame cutiyiju iti sōa. ⁴ Itoju orona ĩna menira casabo
ñayiju. Iti ñayiju Diore yiari queno suti quenarise ĩna soe
ĩsisotira casabo. Ito yicōri orona ĩna menira jedo ñayiju.
Dios ĩ busigore ñari jedo ñayiju iti jedo. Iti jedo totiju
adocō jaje ñayiju. Iti jedoju oro sotu sãñayiju. Iti sotuju
bare maná wame cutirise sãñayiju. Ito yicōri iti jedoju
Aarón ñayoru ya turigu ñasaturagu sãñayiju. Ito yicōri
iti jedoju gũta jāiri Dios ĩ rotirise ucare ñayiju. ⁵ Iti jedo
joe ángel mesa bajirā ĩna meni rujeoana jesayijarā. ĩna
ñayijarā masa ĩna ñeñaro yirise waja soe ĩsiraju weca
caero ñujeorā. Īnare ticōri, “Adi sōa ña Dios ĩ ñasari sōa”,
yi tuoiyijarā paia. Adocāta iti gaye ñarocōti goti masia
ma maji.

⁶ Ito bajiro bajiyijũ mani ñicusabatia Diore ñna rũcũbuore gaye. Co rãmũ ruyabeto ñna moasotire ñajare, Diore rũcũbuorajũ ñnasuri sũa ejasotiyijarã ñna. ⁷ Ito bajibojarocati Dios ñ ñasari sũareama paia uju co rodo ruyabeto cojiti sãjayijũ ñ co rodore. Itoju ñ sãja waja, waibucurã rí rãca ãmi sãja wayijũ ñ. Iti ñayijũ ñ ñeñaro yirise waja, waja yiroti, ito yicõri masa ñeñaro yirise waja, waja yiroti. ⁸ “Mani ñicusabatia cajero Dios ñ rotisũore ñna rũcũbuosũoroca paia uju sũgũti Dios ñ ñasari sũa sãjasotiyijũ. Masama ejasũora sũa riti sãjasotiyijarã ñna. Ito bajiri Dios ñ ñaroju eja masibisijarã masa maji”, mani yi masiroca yami Espiritu Santo. ⁹ “Ricati bajia adi rãmũri”, mani yi tuoĩaroca yami Espiritu Santo. Mani ñicusabatia Diore rũcũbuorona waibucurãre soe ñsiyijarã ñna. Ito bajiro yibojarãti ñna tuoĩarise, “Seti cuti ña yũ maji”, yi tuoĩayijarã ñna. ¹⁰ Bucurã rotire gaye ado bajiro bajiyija: “Adi ña bare, adi ña bare meje. Adi ña idiroti, adi ña idire meje. Ado bajiro guaja quena. Ado bajiro coeja quena. Ito yicõri ado bajiro rujũre tirũnũja quena”, yire gaye ñayijũ bucurã ñna rotire. Mani ñicusabatia itire cudi ãmorã ñabojarãti, ñarocõti cudi jeo masibisijarã ñna. Mame oca Dios ñ wasoaroto riojũa bucũ oca ñasarise ñayijũ maji.

¹¹ Ñjama Cristo ejacoami. Ñti ñami manire yiari Diore busi ñsigũ ñasagũ. Ñti ñami manire quenarise rẽtaroca yigũ. Manire ñ goda ñsija bero ñmacũju Dios ya wijũ mũja wayijũ ñ. Itoju Dios ya wi ñacõri manire yiari busi ñsisotiguũji ñ. Ñmũa ñna menira wi rẽtoro quenari wi ñaroja Dios ya wi. Adi sitaga wi meje ñaroja Dios ya wi. ¹² Ñmacũju Dios ñ ñasari sũajũ ñaguũji Cristo adocãta. Itoju sãjacõri cabra macũ rí, ta wecũ macũ rĩna Diore ñsirocũ meje sãjarũ ñ. Ñ ya rĩnati Diore ñsirocũ sãjarũ ñ. Manire goda ñsicõri mani ñeñaro yirise waja, waja yi tĩorũ ñ. Ito bajiri mũcana juaji ñ ya rĩre Diore ñsibiquũji ñ. Ñ rãca mani

ñatĩñatoni ñarocõti waja yiñi ï. ¹³ Ado bajiro bajiyijũ Dios ï rotisuore: Sĩgũ godarũre ï moaĩaja ito yicõri rẽore gayere ï moaĩaja, ï ya rujũ ueri jaigũre bajiro bajiyijũ ï. Ito bajiri itire coerona ta wecũ rí, cabra macũ rí cuni, ito yicõri ta wecũ macũ rí ñna soe abore rĩti ñna ya rujũre paiare wẽjabate gu rotiyijarã ñna. Ito bajiro ñna yija joe ueri coero bajiro bajiyijũ iti. ¹⁴ Waibucurã rí rẽto busaro ñasarise ña Cristo ya rí. Waibucurã ríama joe gayeti coeroja. Jesús ya ríama mani ñeñaro yirisere coe jeocõroja. Cojirea ñeñaro yĩabicũ ñari manire goda ïsiñi ï, mani ñeñaro yirisere waja yi ïsirocũ. Ito bajiro yiñi Cristo manire, Espĩritu Santo ñatĩñagũre tuocõri. Jesús ya rĩna suoriti mani ñeñaro yirisere acabojogu yiguĩji Dios. Ito bajiri, “Yũ queno yirise ticõri yũre masogu yiguĩji Dios”, yi tuoĩabea mani. “Jesús ya rĩre ticõri yũ ñeñaro yirisere acabojoni Dios”, yi tuoĩa mani. Ito bajiri Dios catitĩñagũre wanurã ïre moa ïsitĩñarã yirãji mani.

¹⁵ Ito bajiri iti oca tuocõri, “Jesucristo ïti ñami mame oca manire gotitoni Dios ï cõarũ”, ya mani. Cajero Dios ï rotisuore gaye cudi jeo masibisija mani. Ito bajiri Dios ï rotisuore mani cudi jeo masibejare, itire waja yi ïsirocũ manire yiari goda ïsiñi Cristo. Ito bajiro Cristo ï yija ticõri, Dios ï goticãdo bajiroti yigu yiguĩji ï. Mani ñeñaro yirisere acabojocõri, ï rãca mani ñatĩñatoni manire amigũ yiguĩji Dios. ¹⁶ Ado robojua baja. Tite. Sĩgũ ï godaroto riojua, “Yũ ya gajeoni rucõ wasoarã yirãji yũ ñarã”, yi menigũ yiguĩji ï. Ito bajiro ï yija bero, “Riti ña. Adi papera ï ucaja bero godacoañi”, oca quenori masũ ï yiroto riojua, godarũ ya gajeonire boca amĩ masimenaji ï ñarã. ¹⁷ Iti papera ucarũ ï catija maji, ï ñarã ï ya gajeonire boca amĩ masimenaji maji. ï godaja bero riti, ï uca gotiado bajiro boca amirã yirãji ñna. ¹⁸ Ito bajiroti cajero ï rotire gotigu, Moisés ñayorũre waibucũ rí wẽjabate rotiyijũ Dios. “Iti

ríre ticōri, ‘Ija sīgũ manire goda ĩsigũ yiguĩji’, yi tuoĩarã yirãji masa”, yiĩni Dios Moisésre. ¹⁹ Ito bajiro ĩ gotija tucōri, ñarocōti Dios ĩ rotire gaye masare goti jeoyijũ Moisés ñayorũ. Itire goti tīocōri cabra macũ rí, ta wecũ macũ rí idena jabeto wũoyijũ. Ito yicōri oveja joa sũarise ãmicōri hisopo wame cutiricũ rujure siayijũ. Iti gocore ríjũ yosecōri, Dios ĩ rotira tutire ito yicōri masare cuni rína wějabate guyijũ Moisés ñayorũ. ²⁰ Ito yicōri masare ado bajiro yiyijũ ĩ: “Adi ríre ticōri, ‘Ito bajiro yicũja yũ’, Dios ĩ yiado bajiroti yigũ yiguĩji, yi tuoĩa mani”, yiyijũ Moisés masare. ²¹ ĩna minijuara wijũ cuni rína wějabate guyijũ Moisés ñayorũ. Ito yicōri itijũ minijuara wi ñarise ñarocōreti rína wějabate guyijũ ĩ. ²² Ado bajiro gotia bucũ oca: “Ƴeri cutirise jeyaro, rína coeja quenaroja. Sīgũ ĩ rí budibeja mani ñeñaro yirise coeya maniboadoja”, yi gotia bucũ oca.

Cristo ĩ godarena suoriti mani ñeñaro yirise coeyijũ, yire gaye

²³ Ito bajiri mani ñicũsabatia Dios ya wijũ ĩna sãjaroto riojũ, ĩna ya rujure ĩna ya gajeonire cuni rí wějabate guyijarã ĩna. Rí wějabatecōri, “Ƴeri ma manire. Sãjarũja manire”, yiyijarã ĩna. Ito bajiro ĩna yija, ũmacũjũ Dios ĩ ñaro bajiro quesoĩayijarã ĩna. ĩna yisotiado bajiro waibucũrã rētoro ñasagũ manire goda ĩsiĩni Cristo. ĩ ya rína suoriti Dios ya wijũ ejarã yirãji mani. ²⁴ Mani ñicũsabatia ĩna menira wijũ sãjabisijũ Cristo. “Ado bajiro bajiroja Dios ya wi”, yiariti ĩna menira wi ñayijũ iti wi. Cristoama ũmacũjũ Dios ĩ ñarojũ sãjañi. Ito bajiri adocãta itona ñacōri, manire yiari Diore busi ĩsigũji ĩ. ²⁵ Judio masa paia wũjũ co rodo ruyabeto cojiti sãjayijũ ĩ co rodore. Itojũ sãjacōri, Diore yiari waibucũ rí wějabateyijũ ĩ. Cristoama cojiti ĩ ya rí ĩsiyijũ Diore, masa ĩna ñeñaro yirise waja, waja yi ĩsirocũ. ²⁶ Co rodo ruyabeto Cristo

godare Dios ã amoja, biyaro godaborũ, adi macãrucũro iti rujearocajuti. Ado bajirojua baja. Adocãta macãrucũro iti jediroto riojua, manire yiari cojiti goda ãsiñi Cristo. Mani ñeñaro yirisere goda ãsiñi ã. Ito bajiri ãre mani tuorũnaja, manire ã yi ãsigore ticõri, mani ñeñaro yirisere ãcabojogu yiguĩji Dios. ²⁷ Sãgũ ruyabeto cojiti godarã yirãji mani. Ito yicõri mani queno yire, mani ñeñarise yire cãni cõãgũ yiguĩji Dios. ²⁸ Cristo cãni masa jeyarore ãna ñeñaro yirise waja, waja yi ãsirocũ cojiti godaãni. Mucana tãdi ã goaja, masa ãna ñeñaro yirisere waja yi ãsirocũ meje ejagu yiguĩji. ãre bocatirãre masorocũ ejagu yiguĩji ã.

10

¹ Bucũ ocana suoriti quenaro ãnare Cristo ã yiroti gayere masisũoyjarã masa. Ñarocõti ã queno yiroti masi jeobisijarã ãna maji. Bucũ oca cudirã co rodo ruyabeto waibucurã sãacõri Diore soe ãsisotiyjarã ãna. Ito bajiro ãna yibojarocati, “Yũ tija, seti ma ãnare”, yibisijũ Dios. Ito bajiri bucũ ocare mani tuo suyabojaja Dios tu ejamena yirãji mani. ² Diore yiari waibucurã ãna soe ãsija bero ãna ñeñaro yirisere ã coe jeoja, mucana waibucurã soe ãsibitiboana ãna. “Waja yi tãomũ yũ. Yũre seti ma ãja”, yiboana. ³ Ito bajiro meje bajiyija. Co rodo ruyabeto Diore waibucurã ãna soe ãsija, “Ñeñaro yigũ ãna yũ”, yi tuoãa bujayjarã ãna. ⁴ Ta wecũ rí, cabra rí, masa ãna ñeñaro yirisere coeroti meje ñaroja.

⁵ Ito bajiri adi sitajũ wadigũ, ado bajiro yiyijũ Cristo Diore:

Masa ãna waibucurã soe ãsire ãmobebea mũ. Ito bajiri ãna ñeñaro yirise yũ waja yi ãsitoni, ãna tu yũ ruju cutiroca ya mũ.

⁶ Masa ãna ñeñaro yirise waja yirona waibucurã ãna soe ãsija queno wanubebea mũ, ya yũ.

⁷ Gaje ado bajiro mure gotia yu: Dios mu amoro bajiro yirocu masa taju wacu ya yu. “Dios i rotiro bajiro yigu yiguji i”, mu oca tuti iti gotiroto bajiroti, masa taju wacu ya yu, yiyiju Cristo Diore.

⁸ Queno tuo ya yu narã mu. Ado bajiro gotiyiju Cristo: “Masa ina neñaro yirise waja yirona Diore yari waibucurã ina soe isi amobojaja, queno wanubeami. Moisés ñayoru i rotire ñabojocati, queno wanubeami Dios”, yi gotiyiju Cristo. ⁹ Gaje ado bajiro gotiyiju Cristo: “Dios, mu amoro bajiro yirocu, masa taju wacu ya yu”, yiyiju Cristo Diore. I ito yija tuocõri, “Bucurã waibucurã soe isire jidicãcõri, imasiti manire goda isiñi”, yi tuoia mani. ¹⁰ Dios i amoro bajiro yiñi Jesucristo. Cojiti manire yari goda isiñi i, i ya rina mani neñaro yirisere waja yirocu. Ito bajiro i yire ñajare, mani neñaro yirisere acabojocõri, “Seti ma muare”, yigu yiguji Dios manire.

¹¹ Judio masa paia co rumu ruyabeto ina ya moare ñajare, biyaro Diore waibucurã soe isisotiamã ina. Ito bajiro ina yibojocati masa ina neñaro yirisere coebetaja.

¹² Cristoama cojiti mani neñaro yirisere waja yi tiorocu manire yari goda isiñi i. Mani neñaro yirise waja yi tiorõri umacuju Dios ya riojaduja rucuboraju rujiguji i ija. ¹³ Itoju nacõri i wajanare retocuroca Dios i yitoni bocatigu yiguji maji.

¹⁴ Manire yari cojiti goda isiñi Cristo. Ito bajiro i yijare manire ticõri, “Seti ma muare”, yigu yiguji Dios. Ito bajiri i rãca catiñarã yirãji mani.

¹⁵ “Riti bajia iti oca”, mani yi masitoni, ado bajiro gotiñi Espiritu Santo:

¹⁶ Masa rãca mame oca quenogũ yiguja yu. Ado robojua bajiro yiroja:

Yu rotirise ina tuoaroca yiguja yu. Ito bajiri ina ya usiju yu rotirisere cudi amora yirãji ina.

¹⁷ Cristore ñna tuorũnũja ticõri, ñna ñeñaro yirise, ñna seti cutirise juaji tãdi tuoĩabicũja yũ, yi gotiñi Espiritu Santo Dios oca tutina.

¹⁸ Ito bajiri mani ñeñaro yirisere Dios ï açabojoja bero, juaji mani ñeñaro yirisere waja yi masia ma.

Diore mani tuorũnũja quena, yire gaye

¹⁹⁻²⁰ Ito bajiri yũ mairã, ado robojua baja mame oca, adi rumuri. Mani ñeñaro yirise waja, waja yi tĩõñi Cristo, ï ya rina. Godaru ñabojaguti mucana caticõri ãmacũju Dios ï ñaroju ñaguĩji manire yiarì. Ito bajiri ïre mani tuorũnũja ãmacũju Dios ï ñasari sõajũ güimenati sõarã yirãji mani. Mani ñicusabatia Dios ï ñasari sõa yobiadore rãta masibisjarã ñna. Ito bajiro meje baja adocãta. ²¹ Jesucristo sãgũti ñami paia uju ñasagu. Manire yiarì Diore busi ïsotigu yiguĩji. Ito bajiro yisotiguĩji Cristo, Dios ya wina ñacõri. ²² Ito bajiri güimenati Diore rũcũbuorona ï tu warũja manire. Ito yicõri, “Yũre boca ãmigũ yiguĩji”, yi tuoia rũcũbuorũja manire. Mani ñeñaro yirisere coeñi Dios, Jesucristo ya rina. Ado bajiro baja iti. Ide quenarisena mani guaja bero mani ya ruju ueri manojã ïja. Iti bajiroti Jesucristo ya rina suoriti mani ñeñaro yirise Dios ï coeja bero, ueri mana bajiro ñarãji mani ïja. Ito bajiri, “Ñeñaro ya yũ. Seti ña yũre”, yi tuoĩabea mani. ²³ ïre tuorũnũcõri, “Yũre masogũ yiguĩji ï”, yirã ñari, ïre tuorũnu sũyarũja manire. Gajero bajiro tuoĩabitirũja manire. Dios manire ï goticãdo bajiroti yigu yiguĩji ï. ²⁴ Gãjerãre mani queno yitoni, ito yicõri ñnare mani ti maitoni, gãmeri ejabũarũja manire. ²⁵ Jesucristore tuorũnũrã ñari, ïre rũcũbuorona minijuatĩñarũja manire. Coriarã minijua jidicãñi ñna. ñnare bajiro yibitirũja manireama. Jesucristore mani jidicãbititoni, bũto busã gãmeri oca são rotirũja manire. Ito bajiri adi rumuri bũto

busa oca s̄oruj̄a manire, yoari mejeti mani Ɔju ĩ ejaroti ñajare.

²⁶ Dios ocare masirã ñabojarãti, ñeñaro mani yi ɥyaja ñe waja yi remore manija. Waja yicãñi Cristo. Ito bajiri ĩre mani tuorũnubeja, tũdi waja yibiquĩji ĩ ĩja. ²⁷ Ito bajiri Cristore mani tuorũnubeja ticõri, guijorise riti manire waja senigũ yiguĩji Dios. Ito yicõri jeame ɥjuroju ĩ wajanare ruyuriorijuj̄a manire cõagũ yiguĩji Dios. ²⁸ Moisés ñayoru ĩ rotire gayere sigũ ĩ cudibeja ado bajiro bajiyij̄u. Jũarã, ɥdiarã, “Riti cudibeami ĩ”, ĩre yi coderã ñaja, jabeto ĩre ti mairã mejeti ĩre siacõyijarã ĩna. ²⁹ Iti gayere mani tuoĩaja, “Sigũ Dios Macure ti tecõri ĩ rũcububeja, buto busa ĩ tõbujaroca yigu yiguĩji Dios ĩre”, yi tuoĩa mani. Masa jeyaro yari Jesucristo ya rí budiyij̄u. ĩ ya rina suoriti mani ñeñaro yirisere acabojoguĩji Dios. Iti ña oca mame Dios ĩ cũre. Ito bajiri, “Masare yari ĩ goda ĩsibore ñe waja ma ĩ ya rí”, yigure buto ĩ tõbujaroca yigu yiguĩji Dios. Manire ti maigũ ñari queno manire ejabuami Espĩritu Santo. Ito bajiri no Espĩritu Santore busitugureti buto ĩ tõbujaroca yigu yiguĩji Dios. ³⁰ Ado bajiro yiñi Dios: “Yũ ña masa ĩna ñeñaro yirisere waja senirocu. Ito yicõri yuti ña ĩna tõbujaroca yirocu”, yiñi Dios. Itire masia mani. Gaje ado bajiro gotia Dios oca: “Dios ñami ĩ ñarãre ĩna ñeñaro yirise waja, waja senirocu”, yi gotia Dios oca. ³¹ Ñeñaro yirãre ñiacõri Dios catitiñagũ ĩ waja senija, buto guijorise ñaroja.

³² Ito bajiri, “ĩre jidicãgũ yiguj̄a yũ”, yi tuoĩabesa mua. Jesucristo oca tuocõri ĩre mua boca amicato bajiroti ĩre riti mua tuorũnũ suyaja quena. ĩre mua tuorũnũja ticõri, mũare tudiñi gãjerã. Mũa tõbujaroca ĩna mũare yibojaro-cati Cristore tuorũnũ jidicãbisija mua. ³³ Mũa coriarãre masa busi tudiñi. Ito yicõri mua coriarãre masa ĩna tiro riojo ñeñaro yiñi ĩna. Mũa baba mesare ñeñaro ĩna yija ticõri, ĩna rãca tõbujayija mua cuni. ³⁴ Mũa baba mesare

ĩna tubiaja ĩnare tuo maiyija mua. Mua ya gajeonire ĩna ěmabojaja cuni buto bojori bujabisija mua. “Ūmacũju Dios ĩ ĩnaroju jogabitire boca ģmirā yirāji mani. ĩna manire ěmarise rětoro quenarise bujarā yirāji mani”, yi wanũre rāca tuoĩayija mua. ³⁵ Ito bajiro ñeñaro tũbujabojarāti Diore tuorũnu jidicābeja mua. Oca sěoro wanũre rāca buto busa Diore tuorũnuña mua. Ito bajiro mua yija, iti waja queno yigu yiguĩji Dios mũare. ³⁶ Dios ĩ ģmoro bajiro mua yi ģmoja, usiriobeja mua. Ito bajiro mua yija ticĩri, ĩ gotiado bajiroti mũare ĩ ĩsiroti ĩsigũ yiguĩji Dios. ³⁷ Yoari goroama bocati yimenaji mua. Ado bajiro gotiami Dios ĩ oca tutina:

Yoari mejeti yu cũru ejagu yiguĩji. Yoari goroama god-abetoja ĩ ejaroti.

³⁸ No ĩ ñeñaro yirisere jidicācĩri Cristore tuorũnuģũreti ti wanũgũ yiguja yu. Ito bajiri ĩ catitĩñaroca yigu yiguja yu. Yũre jidicārāreama ĩna rāca wanũbicu yiguja yu, yiĩni Dios ĩ ocana.

³⁹ Diore jidicārā meje ña mani. Ito yicĩri ĩ ruyuriorona meje ña mani. Diore tuorũnurā ña mani. Ito bajiri ĩ masoana ñari ĩ rāca catitĩñarā yirāji mani.

11

Diore mani tuorũnuja catitĩñarā yirāji mani, yire gaye

¹ Diore mani tuorũnuja ado bajiro tuoĩarā yirāji mani. “Dios ĩ yiro bajiroti yũre masogũ yiguĩji ĩ. Ija yũre ĩ ĩsiroti itire tibitibojaguti boca ģmigũ yiguja yu”, ya mani Diore mani tuorũnuja. ² Jane mejeju ĩre ĩna tuorũnuja ticĩri, mani ñicũsabatiare wanũyiju Dios.

³ “ĩ ya ocanati adi macārũcũrore rujeoĩni Dios”, ya mani, ĩre mani tuorũnuja. “Rocati mani tigorena meje adi macārũcũrore rujeoĩni Dios. ĩ ya ocanati adi macārũcũrore rujeoĩni Dios”, ya mani, ĩre mani tuorũnuja.

⁴ Mani ñicusabatia Diore ñna tuorũnũgore gaye mũare gotigu ya yũ. Abel ñayoru Diore tuorũnũcõri i rijoru Caín, Diore i ñsiroti rëtoro quenarise ñsiyiju Abel ñayoru. Ito bajiri, “Yu rotiro bajiroti yami”, yicõri i ñsiro bajiroti boca ãmiyiju Dios. Jane mejeju Abel ñayoru i godabojarocati Diore i tuorũnũre mani tuoĩaja, buto busa Dios gayere tuo masirã yirãji mani.

⁵ Enoc ñayoru Diore i tuorũnũjare ñre wanũyiju Dios. ñre ti wanũcõri, catigureti ñre ãmicoayiju Dios. Ito bajiri ñre ãmabojarãti bujabisijarã masa, Dios ñre ãmire ñajare. Dios oca tuti iti gotija, “Enoc ñayoru i ãmi ecoroto riojua, ñre queno wanũyiju Dios”, yi gotia Dios oca tuti. ⁶ Diore mani tuorũnũbeja, manire wanũbiguĩji i. Dios rãca mani baba cuti ãmoja, ado bajiro tuoĩarũja manire: “Riti bajia, ñsacõguĩji Dios. No Diore masi ãmogũ i ãmaja, ñre boca ãmigũ yiguĩji Dios”, yirũja manire, Dios rãca mani baba cuti ãmoja.

⁷ Noé ñayoru cuni Diore tuorũnũyiju. “Mũ tiĩabiti rëtaru yiroja mũare”, Dios i yija tuocõri, Dios i yiro bajiroti cudiyiju Noé ñayoru. Ito bajiri cuma bucuã jajoca meniyiju Noé ñayoru, i ñarã rãca rujabe yirocu. Diore tuorũnũcõri adi macãrucũro gãna Diore tuorũnũbitianare bajiro meje yiyiju i. Ito bajiro Noé i yija ticõri, “Manire waja senigũ yiguĩji Dios”, yi tuoĩayijarã masa. “Yũre i tuorũnũjare seti ma Noére”, yi wacu ñre masoyiju Dios.

⁸ Abraham ñayoru cuni Diore tuorũnũyiju. Dios i busija tuocõri, i yiro bajiro cudiyiju Abraham ñayoru. “Gaje sita mũare ñsigũ yigũja yũ”, Dios i yija tuocõri, i ya sitare wagoyiju Abraham. “Itoju ejaqu yigũja yũ”, yi masibicuti wayiju Abraham cajero wasũogũ. ⁹ Diore tuorũnũcõri, Dios ñre ñsiroti sita ñagũ wayiju Abraham, gãjerã ya sita ñabojarocati. Wijãi menicõri, ito yicõri waibucu wirorina wi menicõri ñayiju i. “Yoari mejeti

ñagũ yigũja yu”, yirocu itina meniyiju ã. Ito bajiro yiyiju ã macu Isaac cuni, ito yicõri ã janami Jacob cuni. “Adi sita manire ãsigũ yiguĩji Dios”, yi tuoãa masirã ñayijarã ãna cuni. ¹⁰ Diore tuorũnucõri, Dios ã ñasari cutore tuoãayiju Abraham ñayoru. Iti cuto Dios ã menicãra cuto ñaroja. Ito bajiri iti cuto gajanoabeto yiroja.

¹¹ Abraham manajo Sara ñayoro Diore tuorũnugõ ñay-ijo. Bũco rãa mani waro ñabojarocati iso macu cutiroca yiyiju Dios isore. Ito bajiri, “Dios ã yiro bajiro yigu yiguĩji”, yi waco macu cutiyijo iso. ¹² Ito bajiroti Abraham ñayoru cuni ã godaroto riojuati macu cutiyiju ã. ã ñayiju jãjarã janerãbatia cutirocu. Jãjarã ñocõa, jaje ja sitacõ janerãbatia cutirocu ñayiju ã, cõãdo mana.

¹³ ãna muare yu gotirã ãna godaroto riojuã, “Adi sita muare ãsigũ yigũja yu”, Dios ã yira sitare boca ãmibisi-jarã ãna maji. “Ito bajiro yigu yiguĩji Dios manire”, yi jidicãbisijarã ãna. “Adi macãrucõro ñatĩñarona meje ña mani. Adoju ña ucurãre bajiro bajirã ña mani. ãmacũju ñaroja mani ñatĩñaroti cuto”, yi tuoãayijarã ãna. ¹⁴ Iti gayere mani tuoja, “ãmacũju Dios tũju ãna catitĩñaroti cutoju tuoãa ñayijarã ãna”, yi tuoãa mani. ¹⁵ ãna ya sita ãna wajoraju ãna tuoãaja, iti sitaju mucana tũdi waboana ãna. ¹⁶ ãna watora sita rãtoro quenarise sita ãmacũju Dios ã ñaroju tuoãa ñayijarã ãna. ãna ñaroti cuto meni yucãñi Dios. Ito bajiri ãnare cuto queno ãsicõri, bojobicati, “Yu ñarã ñama ãna. ãna Uju ña yu”, yi wanugũ yiguĩji Dios.

¹⁷ “Yure ã tuorũnuja ticũja yu”, Dios ã yiro bajiroti cudiy-iju Abraham ñayoru. Ito bajiri Diore tuorũnucõri, ã macu Isaacre Diore soe ãsirocũ ãmi wayiju. ã macu sãgũ ñagũre sãgũti yibojayiju Abraham. ¹⁸ “Isaacna suoriti jãjarã janerãbatia cutigu yigũja mu”, Dios ã yicãre ñabojarocati, ãre sãboyiju Abraham, Diore tuorũnucõri. ¹⁹ “Godarãre

mucana tudi ñna catiroca yi masiguñji Dios”, yi tuoñayiju Abraham ñayoru. Ì macure ì sñabore ñabojarocati, mucana ì macure judacōayiju Dios. Ito bajiri, “Mu macure sñabesa”, yicōri ì macure judacōagũ robo bajiro yiñi Dios Abrahamre. “Yure queno tuorũnũami ì”, yi tuoñacōri Abrahamre ti wanuyiju Dios.

²⁰ Isaac ñayoru cuni Diore tuorũnũgũ ñayiju. Diore tuorũnũcōri, “Ado bajiro queno yigu yiguñji Dios muare”, yiyiju Isaac, ì rñare Jacob, Esaúre cuni. ²¹ Jacob ñayoru cuni Diore tuorũnũyiju. Ì godaroto riojua, “Ado bajiro queno yigu yiguñji Dios muare”, yiyiju ì, ì janerābatia José rñare. Bucugu ñari ì ya turiguna tue wacuti Diore rñucubuyiju maji. ²² José ñayoru cuni Diore tuorũnũgũ ñayiju. Ì godaroto riojua, Israel sita gñanare ado bajiro gotiyiju José: “Ija adi sita Egipto sitare watorã yirãji mua. Ito mua waja, yu ya gōarire ãmi warã yirãji mua”, yiyiju ì.

²³ Moisés ñayoru jacusabatia Diore tuorũnũcōri, ì rujeaja bero udiarã ùmacañi ìre yeyoyijarã. “Quenagũ ñami mani macuacã”, yiyijarã ñna. Ito bajiri iti sita gagu uju ì sña rotibojarocati, ìre güibiticōri cudibisijarã ñna. Diojua tuorũnũyijarã ñna. ²⁴ Moisés ñayoru cuni Diore tuorũnũgũ ñayiju. Egipto gagu uju maco iso masora ñabojaguti bucua wacu, “Iso macu ñami”, masa ñna yire ãmobisiju ì. ²⁵ “Egipto gñana rãca ñeñaro yu yija, wanutñabicuja yu. Ito bajiri Dios ñarã rãca baba cutigu yigujaja yu, Egipto gñana ñeñaro yure ñna yibojarocati”, yiyiju Moisés ñayoru, Diore tuorũnũcōri. ²⁶ “Egipto sitaju gajeoni jeyaro yu rucuja, ñasarise meje ña. Dios cōarocu ì tōbujaroto bajiro yu tōbujaja, iti ña ñasarise”, yi tuoñayiju Moisés ñayoru. “Yu tōbujabojarocati, ija queno yigu yiguñji Dios yure”, yi tuoñacōri Diore tuorũnũyiju ì. ²⁷ Diore tuorũnũgũ ñari Egipto gagu ujure güibiticōri, gaje sita wacu ì ñarãre ji wayiju Moisés ñayoru. Diore tibitibojaguti, “Yu rãca

ñaguñji í”, yi tuoñacõri Diore cudiyiju Moisés.

²⁸ Diore tuoñuncõri í ñarã Israel sita gãnare pascua basa meni rotiyiju Moisés. Ado bajiro masare gotiyiju í: “Sígũ ángel cõagũ yiguñji Dios, co wi ruyabeto macu ñasugure í sãtoni. Dios í rotiro bajiro soje weca mani rí tuja, ángel rëtagũ yiguñji”, yi rotiyiju Moisés Israel sita gãnare. Ito bajiro Moisés í rotire ñajare Israel sita gãnare sígũ macure sãbisiju ángel. ²⁹ Diore tuoñuncõri Israel sita gãna Ide Sũarise wame cutirisa ñna jëatoni ide jua duja bata rügũyiju. Ito bajiri sita butirise cudado bajiroti cuda jëacoayijarã ñna ñja. Egipto gãna ñnare suyará ñnare bajiroti jëa ãmorã, yibojayijarã ñna. No bajiro jëa masibiticõri ruja godacoayijarã ñna.

³⁰ Diore tuoñuncõri Israel sita gãna jua ãmojeno rumuri gãni biayijarã Jericó wame cutiri cutore. Jua ãmojeno rumuri ñna rũja gãni biaja bero, iti cutore ñna camotara cuní juja quediya. ³¹ Rahab wedi maso ñagoro Diore tuoñuncõri ñayijo iso cuni. Israel gãna jũarã gãnitirã ejarãre queno boca ãmiyijo iso. Ito bajiri Israel sita gãna iso ya cuto gãna Diore cudimenare ñna sãja, isore sãruayijarã ñna.

³² Jaje muare goti ãmoboja yu. Gedeón, Barac, Sansón, Jefté, David, Samuel ito yicõri Diore goti ísiri masa ñna jeyaro gayere goti jeo masibea yu adocãta. ³³ Diore tuoñuncõri coriarã gaje sita gãnare rëtocũyijarã ñna. Gãjerã queno masare roti masiyijarã. Dios í gotiada bajiroti í ísire boca ãmiyijarã ñna. Gãjerã yaia riserire biayijarã. ³⁴ Gãjerã jeame buto ãjuroju cõa tãabojaja uabisijarã ñna. Gãjerã ñna wajana sarera jãina sãa ãmoja, rudi masiyijarã. Gãjerãre ñna bogaja mucana tũdi ñna sëoroca yiyiju Dios ñnare. Ito bajiri ñna wajanare surarare rëtocũ masiyijarã ñna. ³⁵ Coriarã romia cuni Diore tuoñuncõri ñayijarã. Ito

bajiri Diore tuorũnucõri ãna ñarã godabojanare tũdi ãna catija tiyijarã ãna.

Gãjerã Diore tuorũnurã ado bajiro bajiñi. Coriarã ñeñaro tõbujacõri godayijarã ãna. “Diore mani jidicãja manire bucõarã yirãji ãna. Ito yicõri manire sãamenaji”, yi tuoõabojarãti Diore tuorũnu jidicãbisijarã ãna. “Mucana tũdi caticõri Dios tũju buto busa queno ñarã yirãji mani”, yi tuoõayijarã ãna. ³⁶ Gãjerãma ãnare aja tudicõri baje ecoyijarã. Gãjerã ãna ya ãmori come misina siacõri tubia ecoyijarã. ³⁷ Gãjerã gũtana rea sãa ecoyijarã. Gãjerãma ãna ya rujũ gudareco yijeta ecoyijarã. Gãjerã ñeñaro yi ecoyijarã. Gãjerã sarera jãina sãa ecoyijarã. Gãjerã queno cuto bujamenati wa ucuyijarã. Waibucũ wirona riti wasoyoyijarã ãna. Bojoro bujarã ñayijarã ãna. Gãjerã usirio code ecoyijarã. ãnare queno yibisijarã gãjerã. ³⁸ ãna ñaro queno buja masimenati yucũ manojũ, ito yicõri gũta yucuri watojũ gãni sãjayijarã ãna. Gũta gojerijũ, sita gojerijũ cuni caniyijarã ãna. Diore tuorũnumena rẽtoro queno yirã ñayijarã ãna. Ito bajiri adi macãrucũro rẽtoro quenari cuto ãna ñatĩñarotijũ meniyijũ Dios ãnare yiari. ³⁹ Ñre ãna tuorũnuja ticõri, ãnare ti wanũyijũ Dios. Adi sita ãna ñaroca, “Ado bajiro muare ãsigũ yigũja yũ”, Dios ã yirere boca ãmibisijarã ãna maji. ⁴⁰ Buto busa quenarise ãsirocũ ãna yure ãmoyijũ Dios. Dios quenarise ã quenocãre mani rãca boca ãmirã yirãji ãna cuni.

12

Jesure riti mani tuorũnuja quena, yire gaye

¹ Itire mani tuoja, “Mani riojũa gãna jãjarã Diore tuorũnurã ñaãni”, ya mani. Josari ñabojarocati Dios ã ãmoro bajiro yiyijarã ãna. ãnare tuoãrã, Dios ã ãmoro bajiro yirũja manire cuni. Diore mani tuorũnu ãmoroça gaje mani usirioro iti camotaja itire jidicãruja manire. Mani

ñeñaro yiroca tuoña wisarisere cuni jidicãruja manire. Josare ñabojarocati usiriomenati Dios âmoro bajiro yiruja manire. Ado robojua baja. Sîgũ ûmaquediri masu gãjerãre ï rêtocũ âmoja, rûcurisere cûcõgũ yiguĩji ï. Ito bajiroti yiruja manire cuni. Diore mani tuorûnuroca gaje usirioro ñeñaro manire iti camotaja, itire jidicãruja manire. ² Jesure buto tuoñaruja manire. Manire goda ïsicõri, ïti ñami mani tuorûnuroca yigu. Ï godare gaye bojobiticõri, yucutêojũ tõbujayijũ Jesús. “Yũ tõbujaja bero buto busa wanugũ yigujaja yũ”, yicõri ñeñaro yirã ïna godado bajiro godagu bojobisijũ ï. Mucana tũdi caticõri Dios ya riojocaduja rûcubworajũ rujiyijũ ï. Adocãta cuni itoti rujitĩnaguĩji ï.

³ Mani bogaja mani oca sêobeja, manire Jesús ï goda ïsire gayere tuoñaruja manire. Ñeñaro yirã Jesure ïna ti tudibojarocati ï tõbujaroca ïna yibojarocati ñemecutiyijũ ï. Ito bajiri ïre mani tuoñaja, ñemecuti masirã yirãji mani cuni. ⁴ Cristo ï tõbujado bajiro goroama tõbujabea mani. “Mũa ñeñaro yirisere jidicãña”, masare mani yibojarocati manire sïabiticã ïna. ⁵ ¿Ï rĩa bajiro ñarãre, mũare ï goti quenore ãcabojati mũa? Ado bajiro gotiñi Dios ï oca tutina:

Yũ macũ, mũ masitoni yũ mũre gotirisere ti tebesa. Yũ mũre goti quenojare oca sêo jidicãbeja mũ.

⁶ Yũ mairãre ïnare oca quenocuja yũ. Ito yicõri yũ rĩa ñarãre ïna tõbujaroca yigujaja yũ, ïna masitoni, yi gotiñi Dios ï oca tutina.

⁷ Ito bajiri mũa tõbujaja ñemecutiba. Ï rĩa mani ñajare ito bajiro yigu yiguĩji ï. Sîgũ ruyabeto jacusabatia ïna rĩare goti quenorãji ïna masitoni. ⁸ Dios cuni ï ñarã ñarocõreti goti quenoguĩji, ïna queno yitoni. Mũare Dios ï goti quenobeja ï rĩa meje ñarãji mũa. Ï rĩa meje mũa ñaja, gãji rĩa ñarãji mũa. ⁹ Mani rĩaca ñaroca mani

jacusabatia manire goti quenoñi. Ito bajiro ñna yijare ñnare rūcubuoŷija mani. Ito bajiri mani Jacu ūmacŷju gagure buto busa rūcubuoŷija manire. Ito bajiro mani yija catitĩnarã yirãji mani. ¹⁰ Yoari mejeti ñna ãmorocõ manire riasoñi mani jacusabatia. Dioama manire queno yirocu sēoro riasogu yiguĩji. Īre bajiro mani queno yi ñtoni, ito bajiro yami ĩ. ¹¹ Mani tōbujaroca Dios ĩ yija, queno wanumenaji mani. Manire juniro yiroja iti. Mani tōbujarisena suoriti mani riasotija, queno yirãji mani. Ito yicõri oca mano queno ñnarã yirãji mani.

Dios ocare mani tuorũnubeja guijorise ña, yire gaye

¹² Ito bajiri tōbujabojarãti oca sēoma mua. Diore tuorũnu jidicãbeja mua. ¹³ Dios ĩ ãmoro bajiro yirona queno tuoĩama mua. Mua baba mesare Diore masisuorãre queno ejabuaya. Īnare mua ejabuaja buto busa Diore tuorũnu oca sēorã yirãji ñna. Ito yicõri Dios ĩ ãmoro bajiro yirã yirãji ñna.

¹⁴ Gãjerã rãca queno oca mano corocõ ñama mua. Mani Ūju queno ĩ yiado bajiroti queno yi ñama mua cuni. Mani Ūju Dios ĩ queno yi ñado bajiro yirã riti ĩ tu ejarã yirãji mani. ¹⁵ Mũare Dios ĩ ĩsirotire boca ãmirona sīgũ ruyabeto gãmeri mua ejabuaja quena. Sīgũ mua rãca gagu ñeñaro ĩ yija, gãjerãre ñeñogũ yiguĩji ĩocũ. Ote quenarise wato widirise iti judija, biaro yiroja iti. Ito yicõri sãaro yiroja. Ito bajiro bajigu ñami ĩocũ, gãjerãre ñeñogũ. ¹⁶ Mua manojo cutirototo riojua cuni romiare ajebaja. Ito yicõri Dios jeyaro ĩ yire gayere ti tebesa. Esaú ñayoru ñaņi itire ti tudiru. Esaú ba ãmogũ ado bajiro yiyiju ĩ ocabajire: “Yũre mu eaja, mu ñagũ yiguja, “Yũ macu ñasuoŷu yũ maigũ”, cuni ĩ yiru”, yiyiju Esaú ĩ ocabajire. ¹⁷ Ito bajiri ĩ jacu ĩ godaroto riojua, “Ado bajiro queno yigu yiguĩji Dios mũre”, jacu ĩ yire gaye tuo ãmobojarocati gotibisiju jacu Esaúre. Ī ocabajijuare ito bajiro queno gotiyiju ñna

jacu. “Queno yibiticu yu”, yi tuoña otiyiju Esau ñayoru. Ito bajibojarcati jacu i gotigoja bero ñajare, no robojua i gotigore wasoa masibisiju Esau ñayoru.

¹⁸ Diore mua rucubuoja, Israel sita gāna ñayoanare bajiro meje ya mua adocāta. Gūtagū Moisésre Dios i rotire i isiragu jadoju ejayjarā ina, Diore rucuborona. Itoju ejacōri guijorise tiyjarā ina. Iti gūtagū buto ujuyiju. Ide bueri buto iti ñajare, buto raitiyiju. Ito yicōri mino buto wēayiju. ¹⁹ Ito yicōri trompeta iti ruyuja tuojarā ina. Ito yicōri Dios ñnare i busirise ruyuyiju. Guijorise oca iti ruyuja tuocōri, i busi jidicāre amoyjarā ina. ²⁰ Güirā ñemecuti masibisjarā ina. Ado bajiro i rotirise ruyuyiju: “Sīgū masu, waibucu cuni gūtagūre i cūoja, gūtagārina rea siacōruja iocūre”, yire oca ruyuyiju. ²¹ Buto guijorise iti ñajare, Moisés cuni ado bajiro yiyiju: “Iti guijojare nuroa yu”, yiyiju Moisés.

²² Gajero bajirojua baja adocāta Diore mua rucubuoja. Mani ñicusabatia ñayoanare bajiro guijoro tōbujabea mua adi rumuri gānama. Dios catitīnagū taju ejacōri busirā bajiro Diore busia mua adi rumuri. I cutoju ūmacūju Jerusalén wame cutiri cuto ña. Itoju Sión wame cutiricu gūtagū ñaroja. Itoju ejacōri busirā bajiro busia mua, Diore mua busija. Diore rucuborona jājarā i ñarā minijua ñarāji. ²³ Ito yicōri i ñarā ire rucuborona minijua ñarāji itoju. Itoju i ñarā wame wōñi Dios. Itoju ina rāca minijua ñarāre bajiro Diore busia mua adocāta. Masa jeyarore bese masigūre busirā ña mua adocāta. Itoju ñarāji queno yigoana. Ito bajiri, “Mua ñama seti mana”, yiguji Dios ñnare. Ina rāca ñacōri Diore busirā bajiro busia mua. ²⁴ Mua ña Jesure masirā. I ñami mame oca quenoru. Mua ña, “Yu ñeñaro yirisere mu ya rina yure coeya”, yiana. Abel ñayoru ya rīre mani tuoñaja, “I rjoru ire siayiju”, yi tuoña mani. Jesús ya rīre mani tuoñaja, “I ya rina suoriti

mani ñeñaro yirisere ãcabojoñi Dios”, yi tuoña mani.

²⁵ Ito bajiri Dios manire ï busija, queno tuorũnuruja manire. Ito yicõri ï gotiro bajiro cudija quena manire. Moisés ñayoru adi sita gagu Dios ï rotirise masare ï goti ãmobjaja, ïre cudibisijarã ïna. Ito bajiri ïna tõbujaroca yiyiju Dios ïnare. Jesuama ãmacũju wadicõri manire oca quenarise ãmi wadiñi. ïre mani tuorũnubeja, Moisés ñayorure tuorũnubitiana rõtoro tõbujarã yirãji mani. ²⁶ Jane mejeju mani ñicusbatiare ï busija sita ueroca yiyiju Dios. Mucana ado bajiro gotiami Dios ï oca tutina: “Mucana tãdi iti ueroca yu yija, sita riti ueroca yibicuja yu. ãmacũju cuni ueroca yigu yiguja yu”, yi gotiami Dios ï oca tutina. ²⁷ “Ito bajiro, bajiro yiroja”, Dios ï yija, “Ija bajiroti gayere busiami Dios”, yi tuoña mani. Adi macãrucãro gaye jeyaro ï rujeore ruyuriogu yiguñji ï. Ito bajibojarocati mani ya usi, mani tuoñarise, ito yicõri mani catitĩñarotijure ruyuriobicu yiguñji Dios. ²⁸⁻²⁹ Dios ï rotiroju mani catitĩñarotiju jediroto meje ñaroja. Itire masicõri, “Queno ya Dios mu”, yiruja manire. Ito yicõri ïre tuo güirã ïre rucuburuja manire. Yiro bajiro cudiruja manire ï wanutoni. Jeame iti ãju ruyurioro bajiro guijoro ruyuriogu yiguñji Dios, ïre cudimenare. Ito bajiri ï ãmoro bajiro cudicõri ïre rucuburuja manire.

13

Gãjerãre mani maija ticõri, manire wanugũ yiguñji Dios, yire gaye

¹ Jesure tuorũnurã ñari, sãgũ rãre bajiro mua gãmeri ti mairisere jidicãbeja mua. ² Mua tu gãjerã Jesure masirã ïna ejaja, wanure rãca ïnare boca ãmiña. “Ángel mesa ñarãji ïna”, yi tuoĩabitibojarãti ïnare boca ãmiñi gãjerã. Mua masibiti rumu mua tu cuni ángel mesa ejarã yirãji

gajea. Ito bajiri mua tu ejarãre wanure rãca boca ãmija quena.

³ Gãjerã Jesure masirã tubiara wiju ñarãre ãcabojabesa. Ñna rãca tubiara wiju ñarã bajiro, ñnare tuo maiña mua. Gãjerã ñeñaro tãbujarãre mua tuoiaja, ñna rãca ñeñaro tãbujarã bajiro, ñnare tuo maiña mua. Muare cuni ruju ña. Ito bajiri ñeñaro tãbujarãona ña mua cuni.

⁴ Manojõ cutirã gãmeri rãcubuoja. Manojõ cutirã gãjerã rãca ajebesa. Manojõ mana gãjerãre ñna ajeja, ito yicõri manojõ cutirã cuni ñna ajeja, ñna tãbujaroca yigu yiguji Dios ñnare.

⁵ Niyerure bato tuo maibesa mua. Mua rãcorocõacãti wanuña mua. Dios ñ gotigore tuoiaña mua. Ado bajiro gotiñi ñ: “Muare jidicãbicuja yu. Ito yicõri muare wagobicuja yu”, yì gotiñi Dios ñ oca tutina. ⁶ Itire tuocõri, wanure rãca ado bajiro ya mani:

Dios yu Uju, ñti ñami yure ejabuagu. Ito bajiri gãjerã ñeñaro yure ñna yì ãmbojaja cuni, ñe guijobea yure, ya mani, Diore tuorũncõri.

⁷ Cajero Dios oca muare riasoanare ãcabojabesa. Diore tuorũnrã ñari, ñna queno yigore gaye tuoiaña mua. Diore queno ñna tuorũnaro bajiroti mua cuni queno Diore tuorũnuña.

⁸ Jesucristo ñami tuoia wasoabicu. Cojire bajiro queno yitĩñagũ ñami ñ. Iti rumu ñ ñado bajiroti adi rumu cuni, ñna cuni ito bajiro riti ñatĩñagũ yiguji ñ. ⁹ Gãjerã muare ricati ñna riasoja, ito yicõri ruore oca ñna riasoja, queno ñnare tuorũnubeja mua. Ñnare mua tuorũnuja, Jesús ocare jidicãrã yirãji mua. Ado bajiro gotibojama coriarã: “Rẽore gayere mua babeja, mua ya usina queno tuoiarã yirãji mua”, yibojama coriarã. Iti ocare tuorũnubojarãre queno ejabisija ñna tuoibojarise. Ito bajiri ito gaye ñna riasobojaja, tuorũnubeja mua. Dios ñ queno yire gaye mani tuoiaja, mani ya usina queno usi cutirã yirãji mani.

Manire ti maicōri mani ya ʉsijʉ mani oca sēorooca yami Dios.

¹⁰ Manire masorocʉ manire yiari goda ĩsiñi Cristo. No bʉcʉ oca cʉdi āmogũ, “Waibʉcʉ ri Diore yʉ soe ĩsija, yʉre masogũ yiguĩji Dios”, yi tʉoĩabojagʉre masobiquĩji Dios. Ito bajiro tʉoĩañi paia bʉcʉrã iti rʉmʉ gãna. ¹¹ Bʉcʉ oca cʉdirocʉ, ado bajiro yiyijʉ paia ʉjʉ. Masa ĩna ñeñaro yirise waja yigʉ Dios ĩ ñasari sōajʉ sãjacōri waibʉcʉ rí wējabateyijʉ ĩ. Waibʉcʉ rujʉreama cʉto sōjʉa soeyijarã ĩna. ¹² Ito bajiroti Jerusalén wame cʉtiri cʉto sōjʉa Cristore sĩayijarã ĩna. Mani ñeñaro yirisere waja yigʉ, ĩ ya rĩna waja yi ĩsiyijʉ ĩ. ¹³ Adi macārʉcʉro gãna ĩna tʉoĩarise bajiro tʉoĩamenati mani Jesure sʉyarãma ricati bajiro tʉoĩarã yirãji mani. Jesucristore ĩna aja tudiado bajiroti manire ĩna aja tudibojarocati Jesucristore rʉcʉbʉoana mani. ¹⁴ Adi sita mani ñaja queno cʉto mana bajiro bajirã ña mani. Cʉto manare bajiro ña ucʉrã ya mani. Adi tuti gaye cʉtori ñabojarise jediro yiroja. Ija Jesús ĩ ñarogʉ catitĩñarã yirãji mani. ¹⁵ Mani ñeñaro yirise waja Jesucristo ĩ waja yire ñajare, wanʉre rãca Diore rʉcʉbʉotĩñarʉja manire. Dios ĩ wanʉtoni waibʉcʉrã soe ĩsimena yirãji mani. Manire wanʉjaro yirona, mani ya risena ĩre rʉcʉbʉorã yirãji mani. “Mʉ sĩgũti ña rētoro quenagũ. Mʉ sĩgũti ña gua ʉjʉ”, Diore yi rʉcʉbʉorã yirãji mani. ¹⁶ Gãjerãre queno yire gayere jidicãbeja mʉa. Ito yicōri mʉa rʉcorise gãjerãre batoba. Ito bajiro mani yija ticōri, itire wanʉgũ yiguĩji Dios.

¹⁷ Mʉare Jesucristo oca riasoanare rʉcʉbʉoba. Ito yicōri ĩna rotiro bajiroti cʉdiba mʉa. Cristore mʉa tʉorʉnʉtĩñatoni mʉare tirʉnʉronare ĩnare cũñi Dios. “¿No bajiro tirʉnʉri mʉa, yʉ ñarãre?” yi seniĩagũ yiguĩji Dios ĩnare. ĩna yiro bajiroti cʉdiba mʉa. Ito bajiro mʉa yija ti wanʉcōri, bojori bʉjamenati mʉare tirʉnʉrã yirãji ĩna. ĩnare mʉa cʉdibeja, Dios tiro riojo bojori bʉjarã yirãji

mua.

¹⁸ Ñeñaro yu yibejare, yu tuoñarise quena ña yure. Ito bajiri ñeñaro yi ãmobeá yu. Quenarise yu yitoni, yure yiarí Diore seni ñsiña mua. ¹⁹ Yure yiarí bũto Diore mua busire ãmoa yu. Yoari mejeti mũcana mua tu yu tũdi ejaroca Dios ñ yitoni, ñre busiya mua.

Mũare queno yijaro Dios, yisũsare gaye

²⁰ Sĩgũ ovejare tirũnũgũre bajiro, manire queno tirũnũami maní Uju Jesucristo. Manire yiarí oca quenocãni Jesucristo, Dios rãca. Ñ ya rina maní ñeñaro yirise waja, waja yi ñsiñi Jesús. Ñ godabojarocati mũcana tũdi ñ catiroca yĩni Dios ñre. ²¹ Dios maní oca mano queno ñaroca yĩgure, mũare yiarí ñre busia yu. Quenarise riti mua yitoni, ñre senia yu. Ito yicõri ñ ãmoro bajiro mua yitoni, ñre senia yu. “Jesucristona sũoriti mua jeyaro queno ya yure”, Dios ñ yi wanũtoni, ñre senia yu. “Ñti ñami rẽtoro ñasagu”, yi wanũcõri, Jesucristore rũcũbũotĩñarũja manire.

²² Jabetoti mũare papera uca yu. Ito bajiri yu mũare goti quenorise usiriomenati tiba yu ñarã mua. ²³ “Mani yagu Timoteo tubiara wi meje ñami ñja”, yire oca tũocõri gotia yu. Yoari mejeti ñ ejaja, ñre ãmi wacu yigũja yu, mua tu wacu.

²⁴ Mũare riasori masa, “Quenajaro”, ito yicõri Jesucristore tũorũnrã cuni. Ado Italia gãna, “Quenajaro”, yama mũare.

²⁵ Mũa jeyarore queno yijaro Dios. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
